


薛氏醫書

余讀醫書以此立齋先生之十三種為最後又得柯
韻伯之傷寒論翼河間直格東垣試效丹溪金匱
鉤元於張劉朱李之精矣自謂已得

癸巳六月君默養痾記



讀君默記言薛氏醫書共計十三種今所購僅五種其餘
八種亦無目錄可查今幸五種卷帙完整雖不能窺全豹
亦薛氏奧旨亦可已見一斑矣

二十九年元宵後一日寶鈞記



明醫雜著目錄

卷之一

醫論

發熱論

補陰丸論

勞瘵

枳朮丸論

化痰丸論

備用要方暑症

卷之二

泄瀉

痢疾

瘧疾

咳嗽

痰飲

擬治嶺南諸病

卷之三

續醫論

喘脹

氣虛血虛

飲食過傷

頭痛

眼赤腫痛

耳鳴如蟬

鼻塞

牙床腫痛

小便不禁

男子陰痿

夢遺精滑

婦人女子經脈不行

婦人半產

東垣丹溪治病方論

或問丹溪治病之法

暑病

附滑伯仁先生診家樞要

卷之四

風症

擬治諸方

卷之五

臍風

變蒸

潮熱

大小便白

小兒病多屬肝脾二經

急驚

急驚變慢驚

驚搐

小兒用藥不宜峻厲

驚後目動咬牙

小兒好睡

出痘發搐

益黃散治病

傷風流涕

驚搐等症悞用藥餌

風癩及脚指常腫

小兒無補腎法

擬定諸方

序次丹溪小兒痘瘡治法

卷之六

附方

明醫雜著目錄終

明醫雜著卷之一

鄞人王節齋集

後學薛邦已註

兼三校

醫論

或問仲景東垣河間丹溪諸書孰優學之宜何主
曰宜專主內經而博觀乎四子斯無弊矣蓋醫之
有內經猶儒道之六經無所不備四子之說則猶
學庸語孟爲六經之階梯不可缺一者也四子之

書初無優劣但各發明一義耳仲景見內經載傷寒而其變遷反覆之未備也故著論立方以盡其變後人宗之傳用既久漸失其真用以通治溫暑內傷諸症遂致誤人故河間出而始發明治溫暑之法東垣出而始發明治內傷之法河間之論卽內經五運六氣之旨東垣之說卽內經飲食勞倦之義仲景非不知溫暑與內傷也特其著書未之及河間東垣之於傷寒則遵用仲景而莫敢違矣至於丹溪出而又集諸儒之大成發明陰虛發熱

類乎外感內傷及濕熱相火爲病甚多隨症著論亦不過闡內經之要旨補前賢之未備耳外感法仲景內傷法東垣熱病用河間雜病用丹溪一以貫之斯醫道之大全矣

或問仲景處方藥品甚少及東垣用藥多至二十餘味丹溪云余每治病用東垣之藥效仲景處方庶品味數少則藥力專精丹溪何以不法東垣而效仲景耶曰明察藥性莫如東垣蓋所謂聖於醫者也故在東垣則可多他人而效其多斯亂雜矣

東垣如韓信將兵多多益善丹溪不過能將十萬
故不敢效其多

愚按經云治病必求其本本於四時五臟之根
也故潔古張先生云五臟子母虛實鬼邪微正
若不達其旨意不易得而入焉徐用誠先生云
凡心臟得病必先調其肝腎二臟腎者心之鬼
肝氣通則心氣和肝氣滯則心氣乏此心病先
求於肝清其源也五臟受病必傳其所勝水能
勝火則腎之受邪必傳於心故先治其腎逐其

邪也故有退腎邪益肝氣兩方或診其脉肝腎
兩臟俱和而心自主疾然後察其心家虛實治

之

餘做此詳見玉
機微義小兒部

或問人言東南氣熱可服寒藥西北氣寒可服溫
藥然今東南之人常服胡椒姜桂不見生病而西
北之人畏食椒姜辛熱之物何也曰東南雖熱然
地卑多濕辛熱食藥亦能劫濕西北雖寒然地高
多燥辛熱食藥却助燥故耳治病用藥者須識

此意

愚按異法方宜論云東南之域下卑濕熱其人
腠理疎通汗液妄泄陽氣內虛故宜食椒姜辛
熱之物以助其陽也西北之域高陵風寒其人
腠理緻密汗液內固陽氣充實不宜食椒姜辛
熱之物反益其陽也東坡先生仕黃州其民疫
癘流行先生以聖散子治之其功甚效是其地
卑濕四時鬱熱腠理疎通汗液妄泄陽氣虛寒
是以相宜西北疫癘民用之死者接踵此余之

日擊也

丹溪先生治病不出乎氣血痰故用藥之要有三
氣用四君子湯血用四物湯痰用二陳湯又云久
病屬鬱立治鬱之方曰越鞠丸蓋氣血痰三病多
有兼鬱者或鬱久而生病或病久而生鬱或誤藥
雜亂而成鬱故余每用此方治病時以鬱法參之
氣病兼鬱則用四君子加開鬱藥血病痰病皆然
故四法者治病用藥之大要也丹溪又云近世治
病多不知分氣血但見虛病便用參芪屬氣虛者
固宜矣若是血虛豈不助氣而反耗陰血耶是謂

血病治氣則血愈虛耗甚而至於氣血俱虛故治病用藥須要分別氣血明白不可混淆

愚按經云脾胃爲氣血之本若陽氣虛弱而不能生陰血者宜用六君子湯陽氣虛寒而不能生陰血者亦用前湯加炮姜若胃土燥熱而不能生陰血者宜用四物湯若脾胃虛寒而不能生陰血者宜用八味丸其餘當更推五臟互相生尅而調補之

一儒者每勞役則食少胸痞發熱頭痛吐痰作

渴脉浮大余謂此脾胃虛氣而血病也不信服
二陳四物黃栢知母之類腹痛作嘔脉洪數而
無倫次先以六君子湯加炮姜痛嘔漸愈又用
補中益氣湯而痊○一儒者素勤苦因飲食失
節大便下血或赤或黯後非便血則盜汗非惡
寒則發熱六脉浮大心脾則瀦此思傷心脾不
能攝血歸源也蓋血卽汗汗卽血其色赤黯便
血盜汗皆火之降降微

牛黃抱龍丸

治風痰壅盛或咳嗽發熱或發驚

搐等症

牛黃

雄黃

辰砂

天竺黃

各四錢

麝香

一錢

右為末甘草湯糊丸皂子大每服二丸姜湯下

柴芍參苓散

治脾胃不和飲食少進或嘔吐泄

瀉凡病後宜用此調理

柴胡

芍藥

人參

白朮

茯苓

陳皮

當歸

各五分

甘草

丹皮

山梔

炒各三分

右為末每服一錢白湯下或作丸服

五味子湯 治咳嗽皮膚乾燥唾中有血胸膈疼

痛等症

五味子 炒 桔梗 炒

紫苑

甘草 炒

續斷 各五分

竹茹 一錢

赤小豆 一撮

生地黄 二錢

桑白皮 炒二錢

右水煎服

人參平肺散 治心火剋肺咳嗽喘嘔痰涎壅盛

胸膈痞滿

右爲末每一錢空心小麥湯調下

姜附赤石脂朱砂丹治小便數而不禁怔忡多

忘魘夢不已下元虛冷遺尿精滑或陽虛精漏

不止或腎氣虛寒脾泄腎泄等症

附子生

乾姜各半兩

赤石脂一兩半水飛

右爲細末酒糊丸棗豆大每十五至二十丸

大便不和米飲下小便不禁茯苓湯下

茯苓丸治心腎俱虛神志不守小便淋瀝不禁

或赤或濁或不利並宜服之

赤茯苓 白茯苓 等分

右為末以新汲水按洗澄去新沫控乾別取熟

地黃汁與好酒同於銀石器內熬成膏搜和丸

彈子大空心鹽酒嚼下一丸

人參救肺散 治咳血吐血等症

升麻 錢一 柴胡 錢一 當歸尾 錢二 熟地黃 錢二

白芍藥 錢一 蘇木 分五 黃芪 錢二 人參 錢二

甘草 半錢 蒼朮 錢一 陳皮 分五

右每服五錢水二盞煎至一盞去粗食前溫服

麥門冬飲子 治吐血久不愈或肺氣虛而短之

傷藥要須識此吾妻嘗胎漏忽日血大崩遂暈去

服藥便而醒少頃復暈急煎服荆芥隨醒隨暈服

止血止暈之藥不效忽然嘔吐予以童便藥汁滿

於胸膈也卽以手探吐之少間吐出米飯及葶菜

碗許詢問其由適方午飯後着惱故卽崩而不止

予悟曰因方飽食胃氣不行故崩甚血旣大崩胃

氣益虛而不能運化宜乎服藥而無效也急宜調

理脾胃遂用白朮五錢 陳皮麥芽各二錢煎服之

服未半而暈止再服而崩止遂專理脾胃服十數劑胃氣始還然後加血藥服之而安若不審知食滯而專用血崩血暈之藥豈不誤哉

愚按人以脾胃爲本納五穀化精液其清者入榮濁者入胃陰陽得此是謂之橐籥故陽則發於四肢陰則行於五臟土旺於四時善載乎萬物人得土以養百骸身失土以枯四肢東垣以飲食自傷醫多妄下清氣下陷濁氣不降乃生臏脹所以胃脘之陽不能升舉其氣陷入中焦

當用補中益氣使濁氣自降不治自安竊謂飽
食致崩者因傷脾氣下陷於腎與相火協合濕
熱下迫而致宜用甘溫之劑調補氣則血自歸
經而止矣若誤用寒涼復損胃氣則血無所羈
而欲其止不亦難哉大凡脾胃虛弱而不能攝
血宜調補脾氣爲主○一婦人崩漏面黃或赤
時覺腹間臍下痛四肢困倦煩熱不安其經行
先發寒熱兩肋如束此脾胃虧損元氣下陷與
相火濕熱下迫所致用補中益氣湯加防風芍

藥炒黑黃栢兼服歸脾湯而愈

凡婦人產後陰血虛陽無所依而浮散於外故多發熱治法用四物湯補陰血而以炙乾姜之苦溫從治收其浮散使歸依於陰然產後脾胃虛多有過於飲食傷滯而發熱者誤作血虛則不效矣但遇產後發熱若胸膈飽悶噯氣惡食泄瀉等症只作傷食治之若發熱而飲食自調者方用補血正法

愚按新產陰血暴傷陽無所附而外熱宜用四

物炮姜補陰以配陽若因誤服寒涼尅伐之劑

而外熱此爲寒氣隔陽於外宜用四君子加姜

桂如不應急加附子若或肌膚發熱面目赤色

煩渴引飲此血脫發躁宜用當歸補血湯若胸

膈飽悶噯腐惡食或吞酸吐瀉發熱此爲飲食

停滯宜用四君子加厚朴山柎若胸膈飽悶食

少發熱或食而難化此爲脾氣虛弱宜用六君

子加炮姜若用峻厲之劑腹痛熱渴寒熱嘔吐

等症此爲中氣復傷急用六君子加炮姜若認

爲熱投以他劑則誤矣

凡傷寒時氣大病熱退之後先服參耆甘溫之藥
一二服以扶元氣隨後便服滋陰生津潤燥之藥
蓋大病後汗液外耗水穀內竭必有小便赤澀大
便秘結等症須識此意預防之

愚按大病後穀消水去精散衛亡多致便利枯
竭宜當補中益氣爲要蓋脾爲中州澆灌四傍
與胃行其津液者也况大腸主津小腸主液亦
皆稟氣於胃胃氣一充津液自行矣燥甚者別

當以辛潤之以苦泄之

凡泄瀉病誤服參芪等甘溫之藥則病不能愈而或變爲黃疸蓋泄屬濕其溫之藥能生濕熱故反助病邪久則濕熱甚而爲疸矣惟用苦寒瀉濕熱苦溫除濕寒則愈泄止後脾胃虛弱方可參芪等藥以補之

愚嘗治少宰李蒲江庚寅冬濕熱泄瀉因未生子惑於人言淡滲之劑能瀉腎而服參芪等藥後變黃疸小便不利腹脹胸痞余曰有是病必

用是藥須以淡滲踈導其濕熱遂用茵陳五苓散諸症頓退至辛卯冬生子

南方人稱發熱爲勞發蓋謂勞苦而發熱卽東垣內傷之旨也此病輕者一二發自愈重者用東垣法補之甚則加熟附子若因勞力辛苦而發熱切不可誤作外感輕易發汗也

愚按內傷發熱者因飲食過時勞役過度而損耗元氣陰火得以乘其土位故翕翕然而發熱宜用補中益氣湯以升其陽若因勞力辛苦入

房不節虧損精血虛火妄動而發熱者宜用六
味地黄丸以補其陰不可認作有餘之火而用
黃柏知母之類也

東垣論飲食勞倦爲內傷不足之症治用補中益
氣湯迺洄集中又論不足之中又當分別飲食傷
爲有餘勞倦傷爲不足予謂傷飲食而留積不化
以致宿食鬱熱發於外此爲有餘之症法當消
導東垣自有枳朮丸等治法具於飲食門矣其補
中益氣方論却謂人因傷飢失飽致損脾胃非有

積滯者也故只宜用補藥蓋脾胃全賴飲食之養
今因飢飽不時失其所養則脾胃虛矣又脾主四
肢若勞力辛苦傷其四肢則根本竭矣或專因飲
食不調或專因勞力過度或飲食不調之後加之
勞力或勞力過度之後繼以不調故皆謂之內傷
元氣不足之症而宜用補藥也但須於此四者之
間審察明白爲略加減則無不效矣

愚按飲食勞倦頗同而理異也王安道先生曰
勞倦傷飲食傷二者雖俱爲內傷不可混而爲

一夫飲食受傷而留滯不化則有餘矣有餘者
瀉之傷飢失飽致損脾胃非有積滯則不足矣
不足者補之如東垣枳朮丸之類雖曰消導固
有補益於間然亦施於不甚傷者耳元非以爲
通行之藥也蓋停滯之物非枳朮丸之力所能
去者若泥於消導而弗知變則不善用前人之
意矣

內傷發熱是陽氣自傷不能升達降下陰分而爲
內熱乃陽虛也故其脉大而無力屬肺脾陰虛發

熱是陰血自傷不能制火陽氣升騰而爲內熱乃
陽旺也故其脉數而無力屬心腎經曰脉大而無
力爲陽虛脉數而無力爲陰虛無力爲虛有力爲
實

愚按陽虛發熱者宜用補中益氣湯以升補陽
氣陰虛發熱者宜用六味地黄丸以培補陰血
總論二症雖有陰陽氣血之分實則皆因脾胃
陽氣不足所致其發熱屬形病俱虛余故禁服
黃柏知母恐復傷陽氣耳○閣老李序菴有門

生饋坎離丸喜而服之余曰前丸乃黃栢知母
恐非所宜服者內經有云壯火食氣少火生氣
今公之肝腎二脉數而無方宜滋其化源不宜
瀉火傷氣也不信服將兩月脾氣漸弱發熱愈
甚小便澁滯兩拘腫痛公以爲瘡毒余曰此肝
腎二經虧損虛火所致耳當滋補二經爲善遂
朝用補中益氣湯夕用六味地黃丸諸症悉愈
予見脾胃素弱肝腎陰虛而發熱者悉服十味
固本丸與黃栢知母之類反泄真陽令人無

可不慎哉

傷寒發熱是寒邪入衛與陽氣交爭而爲外熱陽氣主外爲寒所傷而失其職故爲熱其脈緊而有

力是外之寒邪傷衛也治主外

愚按前症反覆變遷若治失其宜命在反掌蓋

寒邪自表入裡治法雖有三陽之異然不可拘

泥日數亦有其邪終止於一經而不傳他經者

嘗治陳湖一男子患傷寒僻臥一月且耳聾余

意其病尚在少陽故脇痛不能轉側及耳聾也

與小柴胡湯加山梔一劑卽能轉側尾間處內
潰皆蛆耳亦有聞蓋少陽屬風木而風木能生
蟲也其在少陽明矣

傷暑發熱是火邪傷心元氣耗散而邪熱入客於
中故發爲熱汗大泄無氣以動其脈虛遲而無力
是外之熱邪傷榮也治主內

愚按夏月陽氣浮於外陰氣儼於內法當調補
陽氣爲主而佐以解暑此推內經搖躄從症之
良法也故前症當究其所因而治之不可泛用

香薷飲之類走散陽氣導損真陰而益其病也
又有夏間用薄荷煎湯以代茶殊不知散人之
真氣卽久用川芎湯令人暴死之類也

詳見後

病有感有傷有中感者在皮毛爲輕傷者兼肌肉
稍重中者屬臟腑最重寒有感寒傷寒冷寒風有
感風傷風中風暑有感暑傷暑中暑當分輕重表
裏治各不同又如中濕中氣中毒皆云中中者中
也謂邪直入於中也故爲重病
凡治心腹疼痛但是新病須問曾何飲食因何傷

感有無積滯便與和中消導之藥若日數已多會
多服過辛溫燥熱之藥嘔吐不納胸膈飽悶口舌
乾燥大小便瀉雖則內有鬱熱或原有舊病因感
而發綿延日久見証如前者俱用開鬱行氣降火
潤燥之藥如川芎香附炒山梔黃連姜汁之類甚
者再加芩硝治心腹久痛須於溫散藥內加苦寒
鹹寒之藥溫治標寒治其本也

愚按腹痛若脾胃虛弱飲食不化或間腹中作
痛用六君子湯若飲食過多停滯未化或兼腹

痛用人參養胃湯若飲食既化脾胃傷或兼
腹中作痛用六君子加當歸若胃中熱心腹
中脘作痛嘔吐用二陳湯加黃連山梔若脾胃
虛弱少食心腹作痛用六君子湯脾胃虛寒亦
用前湯加炮姜大凡腹滿痛按之不痛爲虛痛
者爲實餘當臨症制宜○副郎李孟卿嘗患腹
痛每治以補中益氣加山梔卽愈一日因怒腹
痛脉弦緊以前湯吞左金丸三十粒而愈○一
婦人心腹痛諸藥不應余用炒黑山梔桔梗治

之而愈○儒者沈屺文內停飲食外感風寒頭
痛發熱惡心腹痛用人參養胃湯加芎芷麴蘖
香附桔梗一劑諸症悉退次日腹痛甚可畏喜
手按痛卽止此脾氣虛弱客寒乘之而作是內
虛寒而外假熱也用香附六君子加木香炮姜
服之痛減六七又以前藥去二香一鍾而愈○
府庠徐道夫母胃脘當心痛劇右寸關俱無左
雖有微而似絕手足厥冷病勢危篤察其色眼
胞上下青黯此脾虛肝木所勝用參朮茯苓陳

皮甘草補其中氣用木香和胃氣以行肝氣用
吳茱萸散脾胃之寒止心腹之痛急與一劑俟
滾先服煎熟再進諸病悉愈

昔人有云我但卧病卽於胸前不時手寫死字則
百般思慮俱息此心便得安靜勝於服藥此真無
上妙方也蓋病而不慎則死必至達此理者必能
清心克己凡百謹慎而病可獲痊否則雖有良藥
無救也世人遇病而猶恣情任性以自戕賊者是
固不知畏死者矣又有一等明知畏死而怕人知

覺諱而不言或病已重而猶強作輕淺態度以欺人者斯又知畏死而反以取死尤可笑哉

愚按心之官則思而脾則主於思病者有思則心火妄動而五火翕然隨之脾氣益傷諸藏仍病故書死字以自譬則百慮悉而天君泰然雖有疾病勿藥自愈矣故古人謂諱疾忌醫驕恣不論於理之類爲不治之疾有由然矣

發熱論

世間發熱症類傷寒者數種治各不同外感內傷

乃大關鍵張仲景論傷寒傷風此外感也因風寒
之邪感於外自表入裏故宜發表以解散之此麻
黃桂枝之義也以其感於冬春之時寒冷之月卽
時發病故謂之傷寒而藥用辛熱以勝寒若時非
寒冷則藥當有變矣如春溫之月則當變以辛涼
之藥如夏暑之月則當變以甘苦寒之藥故云冬
傷寒不卽病至春變溫至夏變熱而其治法必因
時而有異也又有一種冬溫之病謂之非其時而
有其氣蓋冬寒時也而反病溫焉此天時不正陽

氣反泄用藥不可溫熱又有一種時行寒疫却左
溫暖之時時行溫暖而寒反爲病此亦天時不正
陰氣反逆用藥不可寒涼又有一種天行溫疫熱
病多發於春夏之間沿門闔境相同者此天地之
藹氣當隨時令叅氣運而施治宜用劉河間辛涼
其苦寒之藥以清熱解毒已上諸症皆外感天地
之邪者若夫飲食勞倦爲內傷元氣此則真陽下
陷內生虛熱故東垣發補中益氣之論用人參黃
芪等甘溫之藥大補其氣而提其下陷此用氣藥

以補氣之不足者也。又若勞心好色，內傷真陰，陰血既傷，則陽氣偏勝而變爲火矣。是謂陰虛火旺，勞瘵之症。故用溪發陽有餘，陰不足之論，用四物加黃柏知母補其陰，而火自降。此用血藥以補血之不足者也。益氣補陰皆內傷症也。一則因陽氣之下陷而補其氣以升提之，一則因陽火之上升而滋其陰以降下之。一升一降，迥然不同矣。又有夏月傷暑之病，雖屬外感，却類內傷。與傷寒大異。蓋寒傷形，寒邪客表有餘之症，故宜汗之。暑傷元

氣爲熱所傷而耗散不足之症故宜補之東垣所謂清暑益氣者是也又有因時暑熱而過食冷物以傷其內或過取涼風以傷其外此則非暑傷人乃因暑而自致之之病治宜辛熱解表或辛溫理中之藥却與傷寒治法相類者也凡此數症外形相似而實有不同治法多端而不可或謬故必審其果爲傷寒傷風及寒疫也則用仲景法果爲溫病及溫疫也則用河間法果爲氣虛也則用東垣法果爲陰虛也則用丹溪法如是則庶無差誤以

害人矣今人但見發熱之證一皆認作傷寒外感
率用汗藥以發其表汗後不解又用表藥以涼其
肌設是虛證豈不死哉間有頗知發熱屬虛而用
補藥則又不知氣血之分或氣病而補血或血病
而補氣誤人多矣故外感之與內傷寒病之與熱
病氣虛之與血虛如水炭相反治之若差則經病
必重重病必死矣可不畏哉凡酒色過度損傷脾
腎真陰咳嗽吐痰衄血吐血咯血等症誤服
參芪等甘溫之藥則病日增服之過多則不可治

蓋甘溫助氣氣屬陽陽旺則陰愈消前項病症乃陰血虛而陽火旺宜服苦甘寒之藥以生血降火世人不識往往服參芪以爲補予見服此而死者多矣

愚按前論治驗見於各類

補陰丸論

人之一身陰常不足陽常有餘况節慾者少過慾者多精血旣虧相火必旺火旺則陰愈消而勞瘵咳嗽咯血吐血等症作矣故宜常補其陰使陰與

陽齊則水能制火而水升火降斯無病矣故丹溪
先生發明補陰之說謂專補左尺腎水也古方滋
補藥皆兼補右尺相火不知左尺原虛右尺原旺
若左右平補依舊火勝於水只補其左制其右庶
得水火相平也右尺相火固不可衰若果相火衰
者方宜補火但世之人火旺致病者十居八九火
衰成疾者百無二三且少年腎水正旺似不必補
然慾心正熾妄用太過至於申年慾心雖減然少
年斲喪旣多焉得復實及至老年天真漸絕只有

孤陽故補陰之藥自少至老不可缺也丹溪先生
發明先聖之旨以正千載之訛其功盛哉今立補
陰丸方備加減法於後

黃蘗

去皮酒拌炒褐毛

知母

去皮毛酒拌炒忌鐵

龜板

酥炙透各三兩

瑣陽

酥炙乾

枸杞子

各二兩

五味子

兩

地黃

酒拌蒸忌鐵五兩

天門冬

去心二兩

白芍藥

酒炒二兩

乾姜

炒紫色二三錢寒月加至五錢

右爲末入煉蜜及猪脊髓三條和藥末杵勻丸
桐子大每服八九十九空心淡鹽湯送下寒月

可用溫酒下

愚按前症設若腎經陰精不足陽無所化虛火妄動以致前症者宜用六味地黃丸補之使陰旺則陽化若腎經陽氣燥熱陰無以生虛火內動而致前症者宜用八味地黃丸補之使陽旺則陰生若脾虛不能生腎陰陽俱虛而致前症者宜用補中益氣湯六味地黃丸培補元氣以滋腎水若陰陽絡傷血隨氣泛行而患諸血症者宜用四君子加當歸純補脾氣以攝血歸經

太僕先生云大寒而盛熱之不熱是無火也大熱而盛寒之不寒是無水也又云倏忽往來時發時止是無水也晝見夜伏夜見晝止不時而動是無火也當求其屬而主之無火者宜益火之源以消陰翳無水者宜壯水之主以鎮陽光不可混用沉寒之劑

若夢遺精滑病者加牡蠣

童便

白朮

各一兩

山茱萸

肉椿根白皮

炒各七錢

若有赤白濁病者加白朮白茯苓

苓

各一兩半

山梔仁黃連

炒各五錢

愚按前症屬足三陰虧損所致蓋腎主閉藏肝
主踈泄若肝腎虛熱者用四物加柴胡山梔山
茱萸山藥脾胃氣虛者用補中益氣加山茱萸
山藥思慮傷脾者兼用歸脾湯加山茱萸山藥肝
腎虧損者六味丸真陽虛敗八味丸心腎不交
用革解分清飲心氣虛熱者清心蓮子飲○朱
工部素陰虛勞則遺精齒痛用補中益氣湯加
半夏茯苓芍藥山茱萸山藥治之少愈更以十全
大補加五味麥門悉愈○一儒者患此兼脚跟

作痛口乾作渴大便乾燥午後熱甚用補中益

氣加芍藥玄參并加減八味丸而愈

若脚軟弱無力者加牛膝

酒洗二兩

虎脛骨

酥炙透一兩

防

已

酒洗

木瓜

各五錢

愚按前症多因足三陰虛虧損若脾腎不足而無力者用還少丹肝腎虛熱而足無力者用六味丸如不應急用八味丸○大尹徐克明因飲食失宜日晡發熱口乾體倦小便赤濇兩腿酸疼彼知醫自用四物黃柏知母之劑反頭眩目

赤耳鳴唇燥寒熱痰湧大便熱痛小便赤澀又
用四物芩連枳實之類胸膈痞滿飲食少思汗
出如水再用二陳芩連黃柏知母麥門五味言
語譫妄兩手舉拂余謂汗多亡陽神無所依用
參芪各五錢歸朮各三錢遠志茯神酸棗仁灸
草各一錢服之熟睡良久四劑稍安又用八珍
湯調補而愈○一儒者因累婚脚腿軟痛面黑
食減惡寒足腫小腹脹痛上氣痰喘余以爲少
陰虧損陽氣虛寒之症用八味丸料煎服諸症

頓除又服丸劑半載元氣漸充形體如故○一
婦人發熱口乾月經不調半載後兩腿無力服
祛風散濕之劑腿益腫痛體更倦怠經事不通
余作肝脾腎虛寒用六味八味二丸兼服兩月
諸症漸愈

若有疝氣病者加蒼朮

鹽水炒

黃連

姜汁炒

山梔

炒

十六錢川芎

一兩

吳茱萸

炒

青皮

去穢各五錢

愚按疝症專主肝經者多如運氣或在泉寒勝

木氣攣縮禁於此經或司天燥勝木氣抑鬱於

此經或忿怒悲哀憂抑頓挫結於經或藥淋外
固閉尾縮精壅於此經其病差別如此且夫遺
溺閉隆陰痿痺精滑白淫皆男子之疝也不
可妄歸之腎冷血涸不月月罷腰膝上熱足躄
噎乾癯閉少腹有塊或定或移前陰突出後陰
痔核皆女子之疝也但女子不謂之疝而爲之
瘕若年少而得之不計男子婦人皆無子故隱
蔽委曲之事了不干脬腎小腸之事乃足厥陰
之症也竊謂前症若因肝經濕熱當用炒山梔

茯苓黃栢澤瀉川芎當歸吳茱萸黃連山查若
肝腎二經濕熱當用六味地黃丸料加柴胡山
梔若肝脾二經陰虛熱宜補中益氣加炒山梔
炒黑黃連吳茱萸蓋疝名有七形症所因不同
治法亦異當詳玉機微義

若脾氣虛弱畏寒易泄者加白朮

三兩陳皮一兩乾姜

炒加至
七錢

愚按前症亦有脾胃虛弱有脾胃虛寒有命門
火衰者脾胃虛弱畏寒易泄者用六君子加補

骨脂肉豆蔻治之脾胃虛寒畏寒易泄者用六
君子肉果木香調之命門火衰不能生脾土者
用八味丸補之○沈大尹每五更卽泄余以爲
腎泄用以味子散數服而愈後不慎起居不節
飲食其泄復作日夜無度畏寒飲食且難消化
肌體日瘦余曰乃變火衰之症也遂與八味丸
瀉止食進

若眼目昏暗加當歸

酒洗

川芎菊花

各一兩

柴胡黃連

酒炒

烏犀角

各五錢

蔓荊子防風

各三錢

愚按目者五臟之華上榮於目得氣血之精者
若昏暗或有黑花皆腎經不足也用滋陰腎氣
丸若視物散大或見非常之狀者皆陰血虛弱
也用滋陰地黃丸若兩目昏暗四肢倦怠者乃
脾虛五臟之精不能上騰用東垣益氣聰明湯
若兩目緊小羞明畏日或視物無力肢體倦怠
或頭面麻木者乃脾肺之氣虛不能主行也用
東垣神效黃芪湯若病後或日晡或燈下不能
覩物者乃陽虛下陷陰盛故也用決明夜光丸

或鎮陰升陽湯

若兼氣虛之人加人參黃芪

蜜炙各二兩

○若左尺既

虛右尺亦微命門火衰陽事不舉加黑附子

小便浸炮

去皮

肉桂

去皮各七錢

沉香

五錢

愚按前症果尺脉虛宜用六味地黃丸以滋水之源若右尺脉虛宜用八味地黃丸以益火之

主

勞瘵

男子二十前後色慾過度損傷精血必生陰虛火

動之病睡中盜汗午後發熱哈哈咳嗽倦怠無力
飲食少進甚則痰涎帶血咯吐出血或咳血吐血
衄血身熱脉沉數肌肉消瘦此名勞瘵最重難治
輕者必用藥數十服重者期以歲年然必須病人
愛命堅心定志絕房室怠妄想戒惱怒節飲食以
自培其根否則雖服良藥亦無用也此病治之於
早則易若到肌肉銷鑠沉困着床沉伏細數則難
爲矣又此病大忌服人參若曾服過多者亦難治
今製一方于後治色慾證先見潮熱盜汗咳嗽倦

怠趁早服之

生地黄 酒洗

甘草 炙

乾姜 炮各五分

川芎

熟地 各一錢

陳皮 七分

當歸

白朮 各一錢三分

黃蘗 蜜水浸 炙七分

白芍藥 炒一錢三分

知母 蜜水浸 拌炒

天門冬 去心皮各一錢

生姜三片水煎空心溫服

愚按前方治火盛陰虛之法也大抵此症屬足

三陰虧損虛熱無火之症故晝發夜止夜發晝

止不時而作當用六味地黃丸為主以補中益

氣湯調補脾胃若脾胃先損者當以補中益氣
爲主以六味地黃丸溫存肝腎多有得生者若
誤用黃柏知母之類則復傷脾胃飲食日少諸
藏愈虛元氣下陷腹痞作瀉則不可救矣夫衄
血吐血之類因虛火妄動血隨火而泛行或陽
氣虛不能攝血歸經而妄行其脉弦洪乃無根
之火浮於外也大抵此症多因四五月爲火
土大旺金水衰涸之際不行獨宿淡味保養二
藏及十一二月火氣潛藏不遠幃幙戕賊真元

故至春末夏初患頭疼脚軟食少體熱注夏之
病或少有老態不耐寒暑不勝勞役四時迭病
皆因氣血方長而勞心虧損或精血未滿而早
斲喪故其見症難以名狀若左尺脉虛弱或細
數是左腎之真陰不足也用六味丸右尺脉遲
軟或沉細而數欲絕是命門之相火不足也用
八味丸至於兩尺微弱是陰陽俱虛也十補丸
此皆滋其化源也仍參前發熱及後咳嗽諸症
治法用之○州同韓用之色慾過度煩熱作渴

飲水不絕小便淋瀝大便秘結唾痰如湧面目
俱赤滿舌生刺兩唇燥裂遍身發熱或身如芒
刺而無定處兩足心如烙左三部脉洪而無倫
此腎陰虛陽無所附而發於外蓋大熱而甚寒
之不寒是無水也當峻補其陰遂以加減八味
丸料一觔肉桂用一兩以水頓煎六碗水冷與
飲半餉熟睡至晚又溫飲一碗諸症悉退翌日
畏寒足冷至膝諸症仍至是無火也當補其陽
急以八味丸四劑諸症頓退○舉人陳履賢色

慾過度孟冬發熱無時飲水不絕痰涎上湧遺
精不止小便淋瀝或用四物三陳之類胸膈不
利飲食少思大便不實余朝用四君子湯加熟
地當歸夕用加減八味丸更以附子唾津調搽

湧泉穴漸愈

詳見內科摘要

○府岸王以道元氣素弱

丙午丁未二年以科場歲考積勞致疾至十二
月間其病盛作大熱淚出隨凝目赤面黯揚手
露胸氣息沉沉幾絕脉洪大鼓指按之如無舌
乾捫之如刺此內真寒而外假熱也遂先服十

全大補湯余曰既服此湯其脉當收歛爲善少頃熟睡覺而惡寒增衣脉頓微細如絲此真寒之真象也余以人參一兩加熟附三錢水煎頓服而安夜間脉復脫余以參二兩熟附五錢仍愈後以大劑參朮歸身炙甘草等藥調理而安此右藥此敬臣所親試者雖昏瞶中固知必此藥然後可治必立齋然後能識此病能用此藥因尊信服之卒致痊愈向使慢投寒涼之劑能不殆哉今留餘生皆立翁所賜也感激

之餘四附數語言藥案之末以告世之患者
一男子吐血遇勞卽作余以爲勞傷肺氣血不
歸源與補中益氣加麥門五味山藥熟地茯苓
遠志服之而愈○一男子咳嗽吐血熱渴痰盛
盜汗遺精余以爲腎水虧損用地黃丸料加麥
門五味以壯水而愈後因勞怒忽紫血成塊上
湧先則花蘆石以化之又用獨參湯以補之仍
用前藥調理遂愈後每勞則咳嗽有痰吐血脾
肺腎三脉皆洪數用補中益氣加貝母茯苓山

茱山藥麥門五味與前藥間服而愈○一星士
談命良久不時吐血一二口余謂此勞傷肺氣
與補中益氣湯加麥門五味山藥熟地茯神遠
志服之而愈○一童子年十四歲發熱吐血余
謂補中益氣宜以滋化源不信乃服寒涼降火
前症愈甚或謂曰童子未室何腎虛之有參芪
補氣奚爲用之余述丹溪先生云腎主閉藏肝
主疎泄二藏俱有相火而其系上屬於心心爲
君火爲物所感則相火翕然而起雖不交會而

其精亦已暗耗矣又褚氏精血篇云男子精未
滿而御女以通其精則五臟有不滿之處異日
有難狀之疾正此謂也遂用補中益氣湯及地
黃丸而痊○一婦人素勤苦冬初咳嗽吐痰發
熱久而吐血盜汗經水兩月或三月一至遍身
作痛或用清熱化痰等藥口噤筋攣余用加減
八味丸及補中益氣加麥門五味山藥治之年
餘而痊○一婦人年將七十素有肝脾之症每
作則飲食不進或胸膈不利或中脘作痛或大

便作瀉或小便不利余用逍遙散加山梔茯神
遠志木香而愈後因憂思吐紫血成塊每作先
倦怠後煩熱以前藥加炒黑黃連三分吳茱萸
二分頓愈復因怒吐多色赤躁渴垂死乃用人
參一兩白朮白茯苓當歸各三錢陳皮炮黑乾
姜各二錢炙甘草木香各一錢一劑頓止

若咳嗽盛加桑白皮馬兜鈴瓜蒌仁各七錢五味

子十粒

若痰盛加姜半夏貝母瓜蒌仁

各一錢

愚按前二症腎氣虛弱火盛水涸津液湧而爲痰者用六味丸腎經陽氣虛憊者用八味丸脾肺氣虛不能攝涎歸源而痰盛咳嗽者用六君子湯加桔梗虛寒者更加炮姜

若潮熱盛加桑白皮沙參地骨皮

各七分

愚按前症若寅卯辰時潮熱者肝經燥熱也用六味丸補腎水以生肝血若午未時潮熱者心經虛熱也用六味丸壯水之主以制陽光申酉戌時潮熱者脾經虛熱也用補中益氣湯培脾

土以生肺金亥子丑時潮熱者腎涸虛熱也用
六味丸兼手足逆冷者腎經虛敗也用六味丸
大凡潮熱發熱晡熱者五臟齊損也須用六味
丸氣血虧損者須用十全大補湯

若夢遺精滑加囁龍骨山茱萸

各七分

愚按前症若腎氣不足用益志湯金鎖正元丹
肝腎虛熱者用六味丸加味道遙散脾虛熱者
用六味丸補中益氣湯凡此悉屬不足之症宜
用十全大補湯或用草薺分瀉飲送八味丸

若盜汗多加牡蠣酸棗仁

各七分

浮小麥

撮

愚按前症若陽氣虛弱汗出不止肢體倦怠用

芪附湯上氣喘急盜汗氣短頭暈者用參附湯

腎氣虛弱盜汗發熱者用六味丸若腎氣虛乏

盜汗惡寒者用八味丸氣血俱虛而盜汗者用

十全大補湯陽盛陰虛者當歸六黃湯心腎虛

弱者斑龍丸

若赤白濁加白茯苓

錢

黃連

三分

愚按前症若脾肺虛熱者用補中益氣湯送六

味丸肺腎虛熱者用黃芩清肺飲送六味丸肝
腎虛熱者加味道遙散送六味丸勞傷心腎者
清心蓮子飲鬱結傷脾者歸脾湯若鬱怒傷肝
脾者加味道遙散若心腎虛弱者小溫金散若
思慮傷心腎者茯兔丸夢遺精滑赤白二濁治
法當互參用之○一男子年踰二十早於斲喪
夢遺精滑睡中盜汗唾痰見血足熱痿軟服黃
栢知母之類余曰此陽虛而陰弱也當滋其化
源不信恪服之前症益甚其頭漸大顙門漸開

視物皆大吐痰吐喊余以如法調補諸症漸退
頭顙漸斂而安

若兼衄血咳血出於肺也加桑白皮錢一黃芩山梔

各五分炒

若兼嗽血痰血出於脾也加桑白皮貝母黃連瓜

萋仁各七分

若兼嘔吐血出於胃也加山梔黃連乾姜蒲黃炒各

錢一韭汁半姜汁少

若兼咯吐血出於腎也加桔梗玄參側柏葉炒各

錢一

愚按前方惟上古之人形病俱實者宜用之今
之患者多屬形病俱虛治者當求其屬而主之
若前症鬱熱傷肺而衄血者用黃芪益氣湯肺
氣虛熱不能攝血而衄者用四君子加芎歸五
味子鬱結傷脾而嗽吐血者用歸脾湯胃經有
熱而嗽吐血者用犀角地黃湯胃氣弱而嗽吐
血者用四君子加芎歸升麻腎經虛熱陰火內
動而咯吐血用六味丸補中益氣湯怒動肝火
而見血者用加味道遙散腎涸肝火動而見血

者用六味丸雖曰血得熱而錯經妄行亦有衛
氣虛不能統攝榮血而爲妄行者不可不察已
上諸症皆屬足三陰虧損虛火內動所作非外
因所致者宜六味丸補中益氣湯滋其化源是
治本也其因甚多不能枚舉治者當臨症而制

大宜庶無悞矣

若先見血證或吐衄盛大者宜先治血治法輕少
者涼血止血盛大者先消瘀血次止血涼血蓋血
來多必有瘀於胸膈不先消化之則止之涼之不

應也葛可久十藥神書方可次第檢用方內惟獨
參湯止可用於大吐血後昏倦脉微細氣虛者氣
雖虛而復有火可加天門冬五錢若如前所云陰虛
火動潮熱盜汗咳嗽脉數不可用

愚按劉宗厚先生云榮者水穀之精也和調於
五藏灑陳於六腑乃能入於脉也源源而來生
化於脾總統於心藏受於肝宣布於肺施泄於
腎灌既一身是以出入升降濡潤宣通者由此
使然也故經云氣主噓之血主濡之又云肺朝

百脉之氣肝統諸經之血氣血爲人身之橐籥也觀此多因飲食起居六淫七情失宜虧損元氣以致諸經失職不能司攝法當調補脾肝之氣使血各歸其源諸病自愈矣若潮熱咳嗽而脉數者元氣虛弱假熱之脉也尤當用其溫調補脾胃爲善

若病屬火大便多燥然須節調飲食勿令泄瀉若胃氣復壞泄瀉稀漉則前項涼寒之藥難用矣急宜調理脾胃用白朮茯苓陳皮半夏神麩麥芽甘

草等藥俟胃氣復然後用前本病藥收功保後可
合補陰丸常服之及用葛可久方

愚按內經云腎開竅於二陰大小便也若腎經
津涸者用六味丸脾肺氣虛者補中益氣湯脾
經鬱結者加味歸脾湯氣血虛者八珍湯若發
熱作渴飲冷用竹葉黃芪湯若膏梁厚味積熱
者加味清胃散○一儒者大便素結服搜風順
氣丸後胸膈不利飲食善消面戴陽色左關尺
脈洪大而虛余曰此屬足三陰虛症也彼不信

乃服潤腸丸大便不實肢體倦怠余以補中益
氣六味地黃月餘而驗年許而安○一儒者懷
抱鬱結發熱作渴胸膈不利飲食少思服清熱
化痰行氣等劑前症益甚肢體倦怠心脾二脉
瀋滯余用加味歸脾湯飲食漸退但大便尚瀋
兩顴赤色用八珍湯加菴蓉麥門五味至三十
餘劑大便自潤○一男子所患同前不信余言
服大黃等藥泄瀉便血遍身黑黯復求治余視
之曰此陰陽二絡俱傷也經曰陽絡傷則血外

溢陰絡傷則血內溢內外俱傷其死奚待辭不
治後果然○一儒者口乾發熱小便頻濁大便
秘結血汗夢遺遂致廢寢用當歸六黃湯二劑
盜汗頓止用六味地黃丸二便調和用十全大
補湯及前丸兼服月餘諸症悉愈

枳朮丸論

人之一身脾胃爲主胃陽主氣脾陰主血胃司受
納脾司運化一納一運化生精氣津液上升糟粕
下降斯無病矣人惟飲食不節起居不時損傷脾

胃胃損則不能納脾損則不能化脾胃俱損納化
皆難元氣斯弱百邪易侵而飽悶痞積關格吐逆
腹痛泄痢等症作矣况人於飲食豈能一一節調
一或有傷脾胃便損飲食減常元氣漸憊矣故潔
古製枳朮之丸東垣發脾胃之論使人常以調理
脾胃為主後人稱爲醫中王道厥有古哉近世論
治脾胃者不分陰陽氣血而率皆理屑所用之藥
又皆辛溫燥熱助火消陰之劑遂致胃火益旺脾
陰愈傷清純中和之氣變爲燥熱胃腕乾枯大腸

燥結脾臟漸絕而死期迫矣殊不知脾胃屬土屬
濕位居長夏故濕熱之病十居八九况土旺四季
寒熱溫涼各隨其時豈可偏用辛熱之劑哉今舉
想木丸方立加減法於後

白朮

二兩

枳實

一兩
麩炒

右爲細末荷葉包飯燒取出杵爛和藥杵勻丸
菜豆大每服五六十九清米湯下此法一補一
消取飲食緩化不令有傷東垣加陳皮一兩名
枳朮橘丸治老幼元氣衰弱飲食少進久服令

人多食而不傷

愚按經云脾爲消化之器薰蒸腐熟五穀者也
若飲食自倍腸胃乃傷則不能運化其精微故
噎氣吞酸脹滿痞悶之症作矣故用此丸消之
實非專主補養若脾胃虛弱者宜用四君子湯
脾胃虛寒者宜用四君子加炮姜命門火衰者
用八味丸○廷評張汝翰飲食難化服枳朮丸
體瘦發熱脉浮大余以爲命門火衰而脾胃虛
寒用八味丸不月而飲食進三月而形體充○

工部陳禪亭患前症服消導之藥益甚余曰此
火衰而不能生土故脾病也當益火則土自實
而脾安矣不悟仍服前藥後遂歿

若元氣素弱飲食難化食多即腹內不和疼痛泄
瀉此虛寒也加人參白芍藥酒炒神麴炒大麥芽炒

上皮
一兩

愚按前方乃飲食所傷之治法也東垣先生云
亦有六淫而致瀉者有七情而致瀉者又有飲
食所傷而致瀉者有因胃氣下流而致泄者有

因風而成飧泄者有因痰積於上焦以致大腸
不固而泄者有因脾胃氣虛而泄者治法外淫
所傷當調六氣七情所傷當平五臟飲食所傷
當消停滯胃氣下流當升舉之因風而成當解
散之痰積於上焦當去其痰而不治其泄脾胃
氣虛者當補益之○丹溪先生謂飲食畢而腸
鳴腹痛瀉盡食物者脾虛食瀉用理中湯加炮
姜攻刺腹痛洞下水穀名寒泄用理中湯送大
戊巳丸寒甚者附子桂香丸惡食者八物湯糞

色青黃肛門痛煩燥作渴小便不利者名熱瀉
用五苓散香連丸瀉而惡食而氣噫腐臭者名
食瀉治中湯加砂仁或送感應丸

僉憲高如齋飲食難化腹痛泄瀉用六君子加
砂仁木香治之而痊後復作完穀不化腹痛頭
疼體重困倦余以爲脾虛受濕用芍藥防風湯
而愈○太僕楊舉元先爲飲食停滯小腹重墜
用六君子加升麻柴胡漸愈後飲食難化大便
不實裏急後重數至圍而不得用升陽除濕防

風湯而痊後心腹作痛飲食不甘川和中尤倍
加益智仁而尋愈○光祿楊立之元氣素弱飲
食難化泄瀉不已小便短少灑淅惡寒體重節
痛余以爲脾肺虛用升陽益胃湯而痊大凡泄
瀉服分利調補等劑不應者此肝木鬱於脾土
必用升陽益胃之劑庶能保生其五臟勝負所
致者見第二卷泄瀉各條下

若素有痰火胸膈鬱塞噯酸噎氣及素有吞酸吐
酸之症或有酒積泄瀉結痛此皆濕熱也加黃連

姜汁炒

白芍藥

酒炒

陳皮

各一兩

石膏生甘草

各五錢

縮砂

木香

各一錢

川芎

四錢

愚按前症吐酸吞酸大略不同吐酸者濕中生

熱吞酸者虛熱內鬱皆屬脾胃虛寒中傳末症

故內經以為火者指其病形而言也東垣以為

胃寒者指其病本而言也凡患此者先當辨其

吞吐而治以固本元為主若復寒涼復傷胃氣

則實實虛虛者矣復審其脾氣虛而飲食不能

消化濁氣不能下降者須用六君子湯補養脾

胃為主少佐越鞠丸以清中故東垣先生云邪熱不殺穀若誤認為實熱而妄用寒涼必變敗症

若傷食飽悶痞塞不消加神麩麥芽山查各一錢有

食積痞塊在腹者再加黃連厚朴

俱姜製各五錢

積堅者

再加蓬朮

醋

昆布

各二錢

愚按前症若脾胃素實止因倍食暴傷而患者宜用前藥否則慎用也東垣云脾胃之氣壯則多食而不傷過時而不饑前症若因脾胃氣虛弱

不能腐化者宜培補之。若脾胃虛寒者宜溫養之。若命門火衰者宜溫補之。大凡食積痞塊症爲有形。所謂邪氣勝則實。真氣奪則虛。惟當養正則邪積自除矣。雖云堅者削之。容者除之。若胃氣未虛。元氣尚實。乃可用也。或病久虛羸。或元氣素弱者。亦當固本爲主。而佐用前法。不然反致痞滿不食而益其病矣。然古人立法皆備其常也。而爲按圖索驥。可乎。學者推此而用其庶幾乎。

若傷冷食不消腹痛溇泄加半夏

姜製 一兩

縮砂乾姜

神麩

各炒

大麥芽

各五錢

愚按前症若傷性熱之物者用二陳加黃連山查傷濕麵之物者用二陳加神麩麥芽傷米食者用六君加穀蘖傷麩食者用六君加麥蘖傷肉食者用六君加山查傷魚腥者用六君倍加陳皮傷角黍炊飯者用六君倍加酒麩若物已消而瀉未愈者此脾胃受傷也宜用六君子湯若飲食減少或食而難化者屬脾胃虛寒也加

炮姜木香肉果不應加五味吳茱萸骨脂脾腎虛
寒者須服八味丸否則多患脾虛中滿之症其
神麴麥芽雖助戊土以戊熟水穀麥芽一味余
嘗以治婦人喪子乳房脹痛欲成癰者用一二
兩炒熟煎服卽消其穢血散氣可知矣丹溪云
麥芽消腎婦人良方云神麴善下胎皆尅伐之
功多而補益之功少亦不宜輕用○唐儀部胸
內痛并餘腹亦痛左關弦長右關弦緊面色
黃中見青此脾胃虛弱邪所乘以補中益氣

湯加半夏木香二劑而愈又用六君子湯二劑而安○李儀部常患腹痛余以補中益氣湯加山梔即愈一日因怒肚腹作痛胸脇作脹嘔吐不食肝脉弦緊面色青黃此肝乘脾也仍用補中益氣吞左金丸一服即愈

若人性多氣惱夾氣傷食氣滯不通加川芎香附

炒各七錢 木香黃連 姜炒各五錢

愚按前症若因中氣虛弱不能運行者宜用六君子加山梔木香如不應送保和丸○太守朱

陽山因怒腹痛作瀉或兩脇作脹或胸乳作痛
或寒熱往來或小便不利或飲食不入嘔吐痰

涎神思不清此肝木乘脾土用小柴胡加山梔

炮姜茯苓陳皮製黃連一劑即愈

製黃連即黃連吳茱萸等

分用熟水并濕罨二三日同炒焦取黃連後做此

○陽山之內素善怒

胸膈不利吐痰甚多吞酸噯腐飲食少思手足

發熱所服非芩連積實必檳蘇厚朴左關弦洪

右關弦數余以為肝火血燥木乘土位也朝用

六味地黃丸以滋養肝木久用六君子加當歸

芍藥以調補脾土不月而愈後因恚怒前疾復
作或用二陳加不膏服之吐涎如湧外熱如灼
脈洪大按之如無余曰脾主涎乃脾損發熱而
涎泛溢也用六君子加姜桂服卽睡覺而諸
症頓失又數劑而康若服理氣化痰等藥必變
腹脹喘促腿浮膝腫淋瀝等症急用濟生加減

腎氣丸救之多有得生者詳見各方皆入身
若胸膈不利過服辛香燥熱之藥以致上焦受傷

胃脘乾燥嘔吐噎膈反胃加黃連炒山梔仁炒各五錢

白芍藥當歸

各一兩

桔梗生甘草石膏

各三錢

胸膈頑

痰膠結及大便燥秘再加芒硝

五錢

愚按王安道先生曰內膈嘔逆食不得入是有

火也若病而吐食入反出是無火也治法若脾

胃氣虛而胸膈不利者用六君子湯壯脾土生

元氣若辛熱之劑而嘔吐噎膈者用四君子加

芎歸益脾土以抑陰火胃火內格而飲食不入

者用六君子加苓連清熱養胃若病嘔吐食入

而反出者用六君子加木香炮姜溫中補脾若

服耗氣之劑血無所生而大便燥結者用四君子加芎歸補脾生血若火逆衝上十不得入者用四君子加山梔黃連清熱養血若痰飲阻滯而食不得入者用六君子加木香山梔補脾化痰若脾胃虛寒飲食不入或入而不化者用六君子加木香炮姜溫補脾胃更非慎房勞節厚味調飲食者不治年高無血者亦不治○一男子食少胸滿手足逆冷飲食畏寒發熱吐痰時欲作嘔自用清氣化痰之劑胸腹愈脹呼吸不

利吐痰嘔食小便淋漓又用五苓散之類小便
不利諸病益甚余曰此脾土虛寒無火之症故
食入不消而反出非氣膈所致遂用八味丸補
中益氣加半夏茯苓姜桂旬日乃愈○秀才楊
君爵年將五十胸痞少食吐痰體倦肌肉消瘦
所服方藥皆耗氣破血化痰降火余曰此氣鬱
所傷陽氣不能升越屬脾經血虛之症當用歸
脾湯解鬱結生脾血用補中益氣壯脾氣生發
諸經否則必爲中滿氣膈之患不信仍服前藥

後果患前症而歿

若素有痰火者加半夏

姜炒

橘紅白茯苓

各一兩

黃芩

炒黃連 姜炒各五錢

原三原函 不同也此

愚按前症亦有因脾氣不足者有因脾氣鬱滯

者有因脾肺之氣虧損者有因腎氣虛不能攝

水泛而似痰者有因脾氣虛不能攝涎上溢而

似痰者有因熱而生痰者有因痰而生熱者有

因風寒暑濕而得者有因驚而得者有因氣而

得者有因酒而得者有因食積而得者有脾虛

不能運化而生者有胸中痰鬱而似鬼附者各
審其原而治之

若人能食好食但食後反飽難化此胃火旺脾陰

虛也加白芍藥

酒炒一兩五錢

人參

七錢

石膏

火煉一兩

生甘草

五錢黃連

炒

香附

炒

木香

各四錢

愚按東垣先生云胃中元氣盛則能食而不傷

過時而不饑脾胃俱旺則能食而肥脾胃俱虛

不能食而瘦或少食而肥雖肥而四肢不舉又

有善食而瘦者胃中火邪於氣分則能食而肉

制今能食而難化者脾氣虛弱不能腐化水穀
故前藥不應或加熱渴嘔吐或腹脹泄瀉等症
者乃是脾胃復傷急用六君子加芍藥木香炮
姜補之亦有屬脾氣鬱結者當解鬱健脾若用
清涼降火以致中氣虛痞而不食或食而食反
出又以為膈噎用行氣化痰者必不能療也

若年高人脾虛血燥易飢易飽大便燥難用白芍

藥歸當

各一兩

人參

七錢

升麻甘草

各四錢

山查大麥芽

桃仁

麩皮尖另研各五錢

此老人常服藥也

愚按前症屬形氣病氣俱不足脾胃虛弱津血
枯涸而大便難耳法當滋補化源又有脾約症
成無已云胃強脾弱約束津液不得四布但輸
膀胱小便數而大便難者是也宜用脾約丸陰
血枯槁內火燔灼肺金受邪土受木尅脾肺失
傳大便秘而小便數者宜用潤腸丸病氣有餘
之治法也經云脾爲至陰已土而主陰然老弱
之人當補中益氣以主陰血○職方陳莪齋年
踰六旬先因大便不通服內疏等劑後飲食少

思胸腹作脹兩脇作痛形體倦怠兩尺浮大左
關短濇右關弦濇時五月此乃命門火衰不能
生脾土而肺金又剋肝木決其金旺之際不起
後果然○一老婦痰喘內熱大便不通兩月不
寐此肝肺腎虧損朝用六味丸夕用逍遙散各
三十餘劑計所進飲食百餘碗腹始瘳悶乃以
猪膽汁導而通之用十全大補湯調理而安若
間斷前藥飲食不進諸症復作

化痰丸論

痰者病名也。人之一身氣血清順則津液流通，何痰之有？惟夫氣血濁逆則津液不清，薰蒸成聚而變爲痰焉。痰之本水也，原於腎。痰之動濕也，主於脾。古人用二陳湯爲治痰通用者，所以實脾燥濕治其標也。然以之而治濕痰寒痰，痰飲痰涎則固是矣。若夫痰因火上，肺氣不清，咳嗽時作及老痰鬱痰結成粘塊，凝滯喉間吐咯。

愚按前症若形病表裏俱實而痰邪痞悶者宜用本方。若脾肺氣虛痰涎不得運化而痞悶者

宜用六君子少加桔梗枳殼若脾胃虛弱不能

攝涎歸源而痞悶者宜用六君炮姜

若時氣發熱變為黃病所謂瘟黃也治宜內瀉濕

熱

茵陳

黃連

薑水炒

山梔仁

白茯苓

厚朴

薑水炒

木通

白朮

人參

各一錢

木香

七分

白芍藥

酒炒

乾葛

各一錢半

右薑水煎食前服查繼服

愚按前症若因濕熱壅滯所致者宜用此方若

因病久元氣益虛而脾之正色見於外者宜用
補中益氣加茵陳茯苓若中氣虛寒四肢厥冷
或浮腫黑黃者用人參理中湯加茯苓茵陳觀
東坡任黃州用聖散子正謂此意土人不知反
用檳榔導損真氣疎泄腠理外邪易感病由是
作若節飲食慎起居適寒暑固元氣以却外邪
雖患是症亦爲輕淺嘉靖甲申春南都大疫煎
聖散子普濟老幼並服子素不善調攝吐痰口
乾飲食不美服化痰行氣之劑胸滿腹膨痰涎

愈盛服導痰理脾之劑肚腹膨脹二便不利服
分氣利水之劑腹大脇痛睡卧不得服破血消
導之劑兩足皆腫兩關脈浮大不及於寸口余
以脾土虛而生痰朝用金匱加減腎氣丸夕用
補中益氣湯煎送前九月餘諸症漸退飲食漸
進再用八味丸補中益氣湯月餘乃能轉側又
兩月而能步履却服十全大補湯還少丹又半
載而康後稍失調理其腹仍脹隨服前藥卽愈
○一武職形體魁梧素不圍爐不喜熱食行則

喘促自謂氣實老痰服碑記丸攻伐之診其脉
洪數重按全無余謂命門火衰脾肺虛寒與人
味丸一服痰喘稍止數服全止遂能親火喜熱
飲食蓋碑記丸出自西域况方外人所製者經
云西域水土剛強其民不衣而褐薦其民華色
而脂肥故邪不能傷其形體其病生於內其治
宜毒藥由此觀之恐不可棄用也○太倉陸中
舍以腎虛不能攝水用腹脹大用此丸未數服
而歿于京今之專門治蠱者卽此方也又俗黑

九子用之無不速亡○機房蔡一素不慎起在
患症同前更加手足逆冷惡寒飲食余用補中
益氣湯加附子一錢先回其陽至數劑諸症漸
愈余因他往或用峻厲之劑下鮮血甚多亦致
不起

若此等老痰飲酒之人多有之酒氣上升爲火肺
與胃脘皆受火邪故鬱結而成此方用天麥冬黃
芩泄肺火也海粉苤硝鹹以軟堅也瓜婁仁潤肺
清痰香附米開鬱降氣連翹開結降火青黛降鬱

火故皆不用香燥之劑。愚按前症若飲食少思或胸膈不利者此中氣
虛弱也宜用補中益氣湯爲主。中氣旣健其痰
自運化若腎氣虧損津液難降敗濁爲痰者乃
真臟之症宜用六味地黃丸爲主。腎氣旣壯津
液清化而何痰之有哉。亦有因脾胃虧損中焦
氣虛不能運化而痰者亦有因峻厲過度脾胃氣
愈虛不能運化津液凝滯而爲痰者凡此皆當

健脾胃爲主

備用要方

若夏月傷暑發熱汗大泄無氣力脉虛細而遲此暑傷元氣也服後方

人參

黃芪

蜜炙

麥門冬

去心

白芍藥

各一錢

陳皮

一錢

白茯苓

一錢

黃連

炒

甘草

炙各五分

黃栢

三分

白朮

一分

香薷

五分

知母

各七分

右姜水煎食前温服

愚按東垣先生曰暑熱之時無病之人或避暑

熱納涼於深堂大厦得之者名曰中暑其病必

頭痛惡寒身形拘急肢節疼痛煩熱無汗爲房

室陰寒之氣所遏

名曰中暍以大順散

熱藥主之若行人

或農夫於日中得之者名曰勞役中熱其病必

苦頭痛躁熱惡熱肌熱大渴汗泄懶動爲天熱

外傷肺氣以蒼朮白虎湯涼劑主之若人元氣

不足用前藥不應宜補中益氣湯主之大抵夏

月陽氣浮於外陰氣伏於內若人飲食勞倦內

傷中氣或酷暑勞役外傷陽氣者多患之法當

調補元氣爲主而佐以解暑若中暍者乃陰寒

之症法當補陽氣爲主少佐以解暑故先哲多用姜桂附子之類此推內經捨時從症之良法也今患暑症歿而手足指甲或肢體青黯此皆不究其因不溫補其內而泛用香薷飲之類所誤也夫香薷飲乃散陽氣導真陰之劑也須審有是症而服亦何患哉若人元氣素虛或犯勞過度而飲之者適所以招暑患病也

其暑熱傷元氣而類

風症者見第
四卷首治驗

若夏秋暑熱因過用冷物茶水傷其內又過取涼

風傷其外以致惡寒發熱胸膈飽悶或飲食不
節而兼嘔吐泄瀉此內外俱傷寒冷也

人參

乾姜

炒紫
色

厚朴

姜木
炒

白朮

一錢
五分

陳皮

羌活

枳實

白茯苓

各一
錢

甘草

炙五
分

右姜水煎食前溫服

愚按前症如未應宜用藿香正氣散若內外已
解寒熱未退或飲食未進宜用六君子湯保命
集云霍亂屬陽明症宜用和中平胃建中或四

君子湯者脉浮自汗四君子加桂枝主之脉浮
無汗四君子加麻黃吐利轉筋脇下痛脉弦者
木剋土也用平胃散加木瓜或建中加柴胡木
瓜吐利轉筋腹中痛體重脉沉而細者四君子
加白芍藥良姜吐利而四肢拘急脉沉而遲屬
少陰四君子加姜附厚朴吐利而四肢厥冷脉
微緩屬厥陰建中加歸附吐利頭痛而身熱多
欲飲水者五苓散寒多不欲飲水者理中丸主
之元戎云太陰症霍亂者理中加橘紅吐下腹

痛手足逆冷理中加熱附吐利後轉筋者理中
加火煨石膏一兩○進士劉華甫夏月食生冷
果品患前症余用附子理中湯一服頓安○上
舍徐民則夏月入房及食水果麵食而患腹痛
余曰此陰寒之症也須用附子理中湯以回陽
不信別用二陳枳實黃連香茹飲之類而死
若夏暑在途中常服以壯元氣清熱驅暑服之免
中暑霍亂泄瀉利疾等症

人參

錢一分

白朮

錢五分

黃芩

炒三分

五味子

十粒
碎

甘草 灸五分

麥門冬 去心

白芍藥 炒

白茯苓 各一分

知母

陳皮

香薷

各七分

右姜水煎食前溫服

愚按前症若人元氣虛弱宜用補中益氣去柴

胡升麻加麥門五味或少加炒黑黃柏人參養

氣湯亦可用○一儒者季夏患泄瀉腹中作痛

飲食無味肢體倦怠余用補中益氣湯八味地

黃丸月餘而痊後彼云每秋間必患利今則無

恙何也余曰此閉藏之月不遠韓幙妄泄真陽

而然前藥善能補真火火能生土脾氣生旺而
免患也

若遇勞倦辛苦用力過多即服後方三二服免生
內傷發熱之病此方主於補氣

人參

麥門冬

去心

陳皮

各一錢

黃芪

二錢半
蜜炙

白朮

甘草

炙

五味

各五分

右姜棗水煎食前溫服勞倦甚加熟附子四五

分

愚按前論謂世俗之朦瞶濟無窮之天枉內附

予若素畏寒飲食者尤宜用若素喜寒飲食者以肉桂或炮姜代之亦可但世所鮮用耳○一婦人因勞役發熱倦怠唾痰欲嘔或以爲火症用清熱化痰等藥反大便不實無氣以動余以寒涼復傷中氣形病俱虛用前方加附子治之而痊後復勞經水數日不止衆以爲附子之熱所致用四物苓連槐花之類涼而止之前症愈甚更加胸膈痞滿飲食日少余仍用前方去門冬更加茯苓半夏炮姜數劑漸愈又用當歸芍

藥湯而經止但四肢逆冷飲食難化不時大熱
此命門真火衰脾土虛寒之假熱也用八味丸
半載而痊又服六味丸三載而生子

雜著卷之三終

...

明醫雜著卷之二

鄞人王節齋集

後學薛 已註

卜兼三校

泄瀉

泄本屬濕然多因飲食不節致傷脾胃而作須看
時令分寒熱新久而施治治法補脾消食利小便
亦有升提下陷之氣用風藥以勝濕亦有久泄腸
胃虛滑不禁者宜收澁之

主方

陳皮一錢

甘草灸五分

白朮二錢

白茯苓

白芍藥

炒各一錢五分已上
三味乃泄瀉必用者

若傷食瀉黃或食積加神麩麥芽山查

各一錢黃連

炒七分

若腹中窄狹再加厚朴枳實以消停滯

愚按前症若飲食已消而泄瀉未止此脾胃之

氣傷也宜用五味異功散若泄瀉而腹中重墜

此脾胃之氣下陷也宜用補中益氣湯若服尅

滯之劑而腹中窄狹此脾氣虛痞也宜用六君

子湯若脇脹少食善怒瀉青此脾虛肝所乘也
宜六君子加柴胡升麻木香若少食體倦善噫
泄黃此脾虛色陷也宜用六君子加升麻柴胡
大凡諸症若脾脉弦長者肝木乘脾土也當補
脾平肝若脾脉沉弦者寒水侮脾土也當溫中
補腎夫黃連枳實雖消停滯開痞悶若人脾胃
充實暴患實痞宜暫用之若人屢患屢服或脾
胃虛痞者而用之則脾胃反傷而諸症蜂起矣
故東垣先生云脾胃實者用黃連枳實瀉之虛

者用白朮陳皮補之須分病之虛實人之南北
而治之後倣此

若小便赤澁短少加猪苓澤瀉

各一錢

以分利之夏

月加茵陳

七分

山梔仁

四分

愚按前症若津液偏滲於大腸大便瀉而小便

少者宜用此藥分利若陰陽已分而小便短少

者此脾肺氣虛而不能生水也宜用補中益氣

湯加麥門五味陰火上炎而小便赤少者此肺

氣受傷而不能生水也用六味地黃丸加麥門

五味腎經陰虛陽無所生而小便短少者用滋
腎丸腎氣丸腎經陽虛陰無所化而小便短少
者用益氣湯六味丸若誤用滲泄分利復傷陽
氣陰無所生而小便不利或目睛凸出腹脹如
鼓或腿膝腫硬或皮膚斷裂者先用滋腎丸益
氣湯每見元氣虛而復用澤瀉豬苓之類因損
真陰以致前症益甚者急投金匱加減腎氣丸
多有復生者若反服牽牛大黃峻劑而通之是
速其危也

若口渴引飲加乾姜

一錢五分

人參麥門冬

各一錢

升麻

四分烏梅肉

五分

本方又用黃連十大黃連

愚按前症若胃氣傷而內亡津液者用七味白

朮散胃氣弱而津液少者用補中益氣湯氣血

俱虛而津液少者用十全大補湯腎虛津液短

少者用六味地黃丸腎水不足而虛火上炎者

用加減八味丸若腎水不足之人患泄瀉或服

分利之濟過多而患口渴者若不用前藥以固

其本源則肺腎復傷多變小便不利肚腹水腫

等危症矣。○憲副屠九峯先瀉而口渴尺脈數而無力恪用解酒毒利小便之劑不應余曰此腎陰虧損虛火熾盛宜急壯水之主不然必發疽而不能收斂也不信別服降火化痰之劑果患疽而歿

若夏秋之間濕熱大行暴注水瀉加黃連蒼朮澤

瀉各一錢

黃連小便赤加茵陳

一錢

山梔木通

各五分

愚按東垣云若值秋燥行令濕熱少退體重節病口舌乾燥飲食無味二便不調不欲飲食或

食不化兼灑浙惡寒悽慘面惡此肺之脾胃虛
而陽氣不伸也用升陽益胃湯治之前症若濕
熱內作脾胃不能通調而致者宜用此藥分利
之濕熱已去脾胃虛弱而致者宜用六君子當
歸調補之濕熱已去脾氣下陷而致者宜用補
中益氣湯升舉之其蓄疸若小便不利四肢沉
重渴不欲飲此濕勝於熱用大茵陳湯大便自
利茵陳梔子黃連湯若往來寒熱身黃者宜用
小柴胡加梔子若因勞傷形體飲食失節而身

黃者用小半夏湯蓋黃疸爲內傷不足之症宜
調補脾胃元氣爲主若妄用驅逐復傷元氣多
致不起

若久瀉脾胃虛弱飲食難化加黃芪灸各人參各

神麩麥芽各一錢木香煨乾姜灸各五分

愚按前症或作嘔或飲食少思屬脾胃虛弱用

四君子加半夏木香或兼作嘔或腹作痛屬脾

胃虛寒用六君子加炮姜木香若麥芽善損腎

神麩善化胎消腎不宜輕用大抵此症多由泛

用消食利水之劑損其真陰元氣不能自主持
遂成久泄若非補中益氣湯四神丸滋其本源
後必胸痞腹脹小便淋瀝多致不起

若久泄腸胃虛滑不禁加肉豆蔻訶子皮赤石脂

各一錢
木香煨乾姜炙各五分

愚按東垣先生云中焦氣弱脾胃受寒冷大便
滑瀉腹中雷鳴或因誤下未傳寒中復遇時寒
四肢厥逆心胃絞痛冷汗不止此腎之脾胃虛
也用沉香溫胃丸治之竊謂前症若脾胃虛寒

下陷者用補中益氣湯加木香肉豆蔻補骨脂
若脾氣虛寒不禁者用六君子湯加炮姜肉桂
若命門火衰而脾土虛寒者用八味丸若脾腎
氣血俱虛者用十全大補湯送四神丸若大便
滑利小便閉澀或肢體漸腫喘嗽唾痰爲脾腎
氣血俱虛宜用十全大補湯送四神丸若大便
滑利小便閉澀或肢體漸腫喘嗽唾痰爲脾腎
虧損宜用金匱加減腎氣丸

若飲酒便泄此酒積熱瀉也加黃連

炒茵陳乾姜

錢

木香

五分

愚按前症若酒濕未散脾氣未虛宜用此藥分
利濕熱若濕熱已去中氣被傷宜用六君子調
補中氣若誤服剋伐分利之劑胸膈漸滿小便
短少或腿足與腹漸腫者急用加減金匱腎氣
丸調補脾胃多有生者夫酒性大熱乃無形之
物無形元氣受傷當用葛花解醒湯分消其濕
往往反服大熱酒癥丸重瀉有形陰血使陽毒
大旺元氣消亡折人長命金匱要畧云酒疸下

之久而爲黑疽每見善飲服酒癥丸者多患疽
症不悟其因反服分利化痰以致變症而歿者
多矣

詳見奇效方

○秀水卜封君善飲腹痛便泄服

分利化痰等劑不應其脉滑數皮膚錯甲余謂
此酒毒致腸癰而潰敗也辭不治不信仍服前
劑果便膿而歿○光祿柴黼菴善飲泄瀉腹脹
吐痰作嘔口乾余謂脾胃氣虛先用六君子加
神麴痰嘔已止再用補中益氣加茯苓半夏瀉
脹亦愈○舊僚錢可久素善飲面赤痰盛大便

不實余以爲腸胃濕痰壅滯用二陳苓連山梔
枳實甘葛澤瀉升麻一劑吐痰甚多大便始實
此後日以黃連三錢炮湯飲之而安

若寒月溘泄清冷腹痛傷生冷飲食加神麩麥芽

炒

乾姜

灸各一錢

縮砂益智木香

各七分

愚按前症若脾腎虛寒宜用四神丸若脾腎虛
脫用六君姜桂如不應急補命門火以生脾土
○一儒者小腹急痛溘泄清冷大便欲去不去
余謂此命門火衰而脾土虛寒也用八味丸

餘而愈向後飲食失宜前症仍作小腹重墜此
脾氣下陷也用補中益氣湯而痊

痢疾

痢是濕熱及食積治者別赤白青黃黑五色以屬
五臟白者濕熱傷氣分赤者濕熱傷血分赤白相
雜氣血俱傷黃者食積治法瀉腸胃之濕熱開鬱
結之氣消化積滯通因通用其初只是下下後未
愈隨症調之痢稍久者不可下胃虛故也痢多屬
熱然亦有虛與寒者虛者宜補寒者宜溫年老及

虛弱人不宜下

主方

茸草

灸三分

檳榔

一錢

木香

枳殼

炒各五分

黃芩

炒

黃連

炒各五分

白芍藥

炒二錢已上三藥痢疾必用者

右姜水煎服

若腹痛加當歸

一錢五分

縮砂

一錢

再加木香芍藥

各五分

愚按前症若因濕熱鬱結後重不利宜用此方

若飲食停滯用二陳湯加山查送香連丸仲景

先生云脉沉而有力者屬裏實也宜下之沉而

無力者屬裏虛也宜補之元氣虛滑者宜溫之
澁之脈滑而數者有宿食也當下之脈浮大此
爲虛而強下之故也脈浮革者因而腸鳴當溫
之下痢腹堅者當下之下痢譫語有燥屎當下
之下痢三部脈皆平按之心下堅急下之下痢
脈大浮弦當自愈下痢腹滿痛爲實當下之治
者審焉

若後重加滑石

炒五分

再加枳殼檳榔芍藥條芩各

五分

愚按痢而便膿血者乃氣行而血止也行血則
便膿自愈調氣則後重自除若大腸積滯壅塞
而後重法當踈導若大腸氣虛下陷而後重法
當升補○司馬王荆山患痢後重服枳殼檳榔
之類後重益甚食少腹痛余以爲脾胃傷而虛
寒也用六君木香炮姜而愈○大常邊華泉嘔
吐不食腹痛後重服大黃之藥腹痛益甚自汗
發熱昏憤脉大余以爲胃氣復傷陽氣虛寒脫
陷也以參朮各一兩灸草炮姜各三錢升麻一

錢一劑而甦又用補中益氣加炮姜二劑而愈

若白痢加白朮白茯苓滑石炒陳皮各一錢初欲下

之再加大黃五錢兼食積加山查枳實各一錢

愚按前症若腹痛後重怕手按腹或脉洪實為

積滯閉結宜用此方疎通之若腹痛後重喜手

按腹或脉微細為湯氣虛寒宜用六君乾姜温

補之○少宗伯顧東江停食患痢腹痛下墜或

用疎導之劑兩足腫脹食少體倦煩熱作渴脉

洪數按之微細余以六君子加姜桂各二錢吳

茱五味各一錢煎熟冷服卽睡覺而諸症頓退
再劑而安此內真寒而外假熱治以熱劑而冷
飲東垣先生治假寒熱之症投以假寒熱之劑
○廷評曲汝爲食後接內患腹痛去後似痢非
痢次日便膿血煩熱作渴神思昏倦用四神丸
一服頓減又用八味丸料加吳茱五味骨脂肉

蔻二劑全愈

若紅痢加川芎當歸桃仁

各一錢五分

初欲下之再加

大下五

愚按前症若病日久。或誤服踈通之藥而不能
愈者。當調補脾胃。大凡血症久而不愈。多因陽
氣虛而不能生血。或因陽氣虛而不能攝血。故
丹溪先生治此症久而不愈。用四君湯以收其
功。○判官汪天錫患痢腹痛。後重渴欲飲冷飲。
食不進。用芍藥湯內大黃一兩四劑。稍應。仍用
前藥。但大黃減半數劑而愈。○通府薛允頰下
血。服犀角地黄湯。其血愈多。發熱少食。裏急後
重。余以爲清氣下陷。用補中益氣湯加炮姜一

劑而瘳

若紅白相雜加川芎當歸桃仁

各一錢五分

以理血滑

石陳皮蒼朮

各一錢五分

以理氣有食積者加山查枳

實以消導

愚按前症若氣滯食積濕熱所致宜用此方治

之若脾虛飲食停滯宜用六君子湯送香連丸

調補之經云脾主血肺主氣前症乃氣血俱受

病也若因脾肺血傷所致宜用四物湯加白朮

茯苓煎送香連丸若因脾肺氣傷所致宜用四

君湯加當歸川芎煎送香連丸

若白痢久胃弱氣虛或下後未愈去檳榔枳殼減

芩連芍藥

各七
分

加白朮

一錢
五分

黃芪陳皮茯苓

各一
錢

縮砂乾姜

炙各
五分

愚按前症若數至圍而不能便或少有白膿者

乃土不能生金肺與大腸氣傷而下墜也當用

升陽益胃湯舉其陽氣則陰自降而二便自愈

矣飲食不入發熱作渴其勢危甚用十全大補

湯加木香送二神丸

若紅痢久胃弱血虛或下後未愈減黃芩黃連各五

分

加當歸川芎熟地阿膠陳皮

各一錢

白朮

一錢五分

愚按前症若脾經血熱下注而不愈者用四物

湯加白朮茯苓若脾經氣虛不能統血而不愈

者用四君子加川芎當歸若中氣下陷不能攝

血而不愈者用補中益氣湯

若赤黑相雜此濕勝也及小便赤澀短少加木通

澤瀉茯苓

各一錢

山梔仁

炒五分

以分利之

愚按初患濕盛而小便赤澀者宜用前藥若病

久而陽氣下陷或老弱者宜用升陽除濕防風湯若脾土虧損寒水來侮先用六君子湯加姜桂以溫而補之後用補中益氣湯加茯苓半夏以升而補之

若血痢加當歸川芎生地黃桃仁槐花

炒各錢

久不

愈減芩連

各七分

去檳榔枳殼再加阿膠珠側柏葉

白朮

各一錢五分

乾姜

炒

陳皮

各錢

愚按偷症亦有因脾氣虛弱者有因脾氣下陷者有因肝氣虛弱者有因肝血虛熱者○痢部

李宜散患血痢胸腹膨脹大便欲去不去肢體
殊倦余以爲脾氣虛弱不能攝血當源用補中
益氣湯加茯苓半夏治之漸愈後因怒前症復
作左關脈弦浮按之微弱此肝氣虛不能藏血
用六味光治之而愈

若痢已久而後重不去此大腸墜下去檳榔枳殼

用條芩加升麻

錢一

以升提之

愚按前症亦有因大腸氣滯者有因大腸氣陷
者有因大腸血虛者有因脾腎虛寒者若大腸

氣滯墜下宜用四君子送香連丸若大腸氣虛
陷下宜用四君子加柴胡升麻送香連丸若大
腸血虛後重宜用四物湯加參朮送香連丸東
垣先生云裏急者腹中不寬快也亦有虛坐而
大便不行者皆血虛也血虛則裏急後重

若嘔吐食不得下加軟石膏

一錢五分

陳皮

一錢

山梔仁

炒五分

生薑

六分

緩呷之以瀉胃口之熱

人參白朮

愚按前症若脾胃素有實熱或過食厚味辛辣
而暴患之宜用此方若胃氣虛膈氣逆而作嘔

吐者用六君子加生薑若胃氣虛寒亦用前藥
加炮姜木香

有一樣風血虛而痢者用四物湯加人參白朮陳
皮黃芩黃連

愚按前症若脾氣虛而血弱宜用四君子湯若
胃氣虛而血弱宜用補中益氣湯若久病氣血
俱虛宜用八珍湯大凡此症久而不愈或變症
百出但守前法久之自愈

有一樣寒痢用黃連木香芍藥酒炒當歸乾姜炒縮

砂厚朴肉桂

愚按東垣先生云前症若脉沉細而身不動作
睛不了了飲食不下鼻準氣息者用姜附湯身
重四肢不舉者用朮附湯暴下無聲身冷自汗
小便自利大便不禁氣難布息脉微嘔吐者用
漿水散○先太安人年八十仲夏患痢腹痛作
嘔不食渴飲湯水按腹痛稍止脉鼓指而有力
余謂真氣虛而邪氣實也用人參五錢白朮茯
苓各三錢陳皮升麻附子炙甘草各一錢服之

睡覺索食脉症頓退再劑而安○橫金陳子復
面帶赤色吐痰口乾或時作瀉或用二陳黃連
枳實之類不應余脉之左關弦急右關弦大此
乃腎水挾肝木之勢而剋勝脾土也不信後交
夏果患痢而亡

若得痢而誤服溫熱止瀉之藥則雖稍久亦宜用
前法以下之下後方調之○若得痢便用前症法
下之而未應又用前調理法治之久而不愈此屬
虛寒而滑脫可於前補虛寒溫二條用擇更加龍

骨石脂鶯粟殼烏梅肉收澁之藥

愚按前症若脾氣虛寒下陷宜用補中益氣湯
加粟殼姜桂如不應急用附子若氣血虛弱宜
用十全大補湯加附子粟殼若命門火衰用八
味丸以補土母若腹痛作渴飲湯手按腹痛稍

止者俱溫補脾胃

瘧疾

瘧是風暑之邪有一日一發有二日一發有三日
一發有間一日連二日發有日與夜各發有有汗

有無汗有上半日發有下半日發有發於夜者治法邪從外入宜發散之然以扶持胃氣為本又須分別陽分陰分而用藥邪瘧及新發者可散可截虛虛及久者宜補氣血若過服截藥致傷脾胃則必延綿不愈矣

主方

乾葛 一錢二分

陳皮 七分

甘草 炙五分

柴胡

白朮

蒼朮

洪浸一錢已上三味瘧疾必用之者

愚按前症皆因先傷於暑次感於風客於榮衛

之間腠理不密復遇風寒閉而不出舍於腸胃
之外與榮衛並行晝行於陽夜行於陰並則病
作離則病止併於陽則熱併於陰則寒淺則日
作深則間日在氣則早在血則晏按本經曰瘧
脉自弦弦數者多熱弦遲者多寒弦短者傷食
弦滑者多痰弦而緊者宜下浮大者宜吐弦遲
者宜溫此治瘧之大法其病熱多寒少心煩少
睡者屬心名曰溫瘧用柴苓湯但寒少熱腰疼
是冷者屬腎名曰寒瘧用桂附二陳湯先寒而

後大熱咳嗽者屬肺名曰痺瘧用參蘇飲熱長
寒短筋脉揪縮者屬肝名曰風瘧用小柴胡加
烏藥香附寒熱相停嘔吐痰沫者屬脾名曰食
瘧用清脾飲瘧愈之後陰陽兩虛夢遺咳嗽不
善保養遂成勞瘵若能清心養體節食避風如
此調治無不愈矣

若一日一發及午時發者邪在陽分加枯苓茯苓

半夏各一錢熱甚頭痛再加川芎軟石膏各一錢口乾

加石膏知母麥門冬

各一錢

愚按劉宗厚先生云從卯至午發者邪在大腸
小腸也宜大柴胡湯下之從午至酉發者邪亦
在心與腎也宜大承湯下之此皆邪入於內也
從酉至子發者邪在心與膽也或至寅發者此
邪在氣在血也宜用桃仁承氣湯微下之更以
小柴胡湯徹其餘邪若身熱目痛熱多寒少其
脈實長者先以大柴胡湯下之餘熱不盡再用
白芷湯若甚寒微熱或但寒不熱者名曰牝瘧
用柴胡桂枝湯以解表

若間日或三日發或午後或夜發者邪入陰加

川芎當歸芍藥酒炒熟地黃知母酒炒各一錢紅花酒洗黃

蘖酒炒升麻各四分提起陽分可截之

愚按仲景先生云瘧無他症但隔日發而先寒

後熱寒多熱少用桂枝石膏湯發於夜麻黃黃

芩湯竊謂前症若中氣虛而間日發者用補中

益氣湯若氣血俱虛而三日一發者用十全大

補湯大抵邪氣在陽分者淺而易治邪氣在陰

分者深而難治

若間一日連發二日或日夜各發者氣血俱病加

人參黃芪白茯苓

各一錢

以補氣川芎當歸芍藥熟

地黃

各一錢

以補血

愚按此條治法當以前後論參看用藥調治

若陽瘧多汗用黃芪人參白朮以斂之無汗柴胡

蒼朮白朮黃芩乾葛以發之

愚按仲景云處暑以前瘧發而頭項痛脉浮惡

風有汗者桂枝羌活湯若惡風無汗者麻黃羌

活湯若久而汗多腠理開泄陽不能固必補斂

之無汗則腠理緻密邪不能解必發散之若屬
飲食所傷用六君子湯爲主勞傷元氣用補中
益氣湯爲主

若陰瘧多汗用當歸白芍藥熟地黃連黃蘗黃芪
以斂之無汗柴胡蒼朮川芎紅花升麻以發之故
曰有汗者要無汗扶正爲主無汗者要有汗散邪
爲主

愚按前症若寒熱大作不論先後此太陽陽明
合病寒熱作則必戰經曰熱勝而動也發熱則

必汗泄又曰汗出不愈知內熱也陽盛陰虛之
症當內實外虛不治恐久而傳陰經也宜用桂
枝芍藥湯若病久須大補脾胃為主益養正邪
自除矣

若病人胃氣弱飲食少或服截藥傷脾胃而少食

者加人參

一錢五分

芍藥

酒炒

大麥芽

各一錢

愚按前症若用寒涼止截脾胃傷損必致連綿

不已若非倍養元氣決不能愈然芍藥麥芽善

損脾腎恐不宜多用○洞庭馬志卿母瘧後形

體骨立發熱惡寒自汗盜汗胸膈痞滿日飲米
飲盞許服參朮藥益脹卧床半年矣余以爲陽
氣虛寒用大劑補中益氣加附子一錢二劑諸
症漸退飲食漸進又二劑全愈

若傷食痞悶或有食積者加神麩麥芽枳實

炒各一錢

黃連炒五分

愚按前症若脾胃無虧飲食過多而患暴怒胸
膈痞悶者宜用此方以消導宿滯若飲食旣消
而胸膈痞悶者宜用六君子湯以調補脾胃若

勞傷元氣兼停飲食用補中益氣加半夏茯苓
以升補脾胃若感怒兼食用二陳參朮木香香
附山梔以補脾平肝○冬官朱省庵停食感寒
而患瘧自用清脾截虐二藥食後腹脹時或作
痛服二陳黃連枳實之類小腹重墜腿足浮腫
加白朮山祖吐食未化余曰食後脹痛脾虛不
能剋化也小腹重墜陽氣不能升舉也腿足浮
腫胃氣不能運行也吐食不消脾胃虛寒也治
以補中益氣湯加吳茱萸桂木香不數服而痊

一婦人飲食後患滯嘔吐屬內停飲食外感風寒用藿香正氣散而愈後因怒吐痰甚多狂言熱熾胸膈脹痛手按少止脉洪大無倫按之微細余謂肝脾二經血少火旺用加味逍遙散加熟地川芎二劑頓退再用十全大補而安

若痰盛加半夏

薑製

南星枳實

各一錢

黃芩

炒

黃連

各六分

分

愚按前方非膏梁積熱實火爲痰者不宜用若中氣虛而痰甚用補中益氣湯加茯苓半夏如

未應用一味姜汁尤好

若欲截之加檳榔黃芩青皮常山

各一錢

烏梅

肉二箇

愚按前症若血氣俱虛用人參生姜各一兩煎服頓止不問新久並效若齏酸口酸且節飲食其病潮作時雖大渴只與薑湯乘熱飲之此亦截瘧之良法每見飲啖生冷物者病或少愈多致脾虛胃損反爲難治若病勢正熾一二祭間未宜遽截恐邪氣不去正氣反傷耳此法有益無害○一上舍每至夏秋非停食作瀉必瘧痢

霍亂遇勞吐痰頭眩體倦發熱惡寒雜用四物
一陳芩連之類患瘧服止截之藥前症益甚時
或遍身如芒刺然余謂中氣虛熱用補中益氣
湯加茯苓半夏內參芪各用三錢歸木各二錢
四十餘劑全愈

若日久虛瘧寒熱不多或無寒而微熱者邪氣已
無只用四君子合四物湯加柴胡黃芩陳皮以滋
補氣血

愚按前症若因胃氣虛用四君加升麻當歸若

脾血虛用四君加川芎當歸若因中氣下陷用
補中益氣湯加茯苓半夏大凡久瘧多屬元氣
虛寒蓋氣虛則寒血虛則熱胃虛則惡寒脾虛
則發熱陰火下流則寒熱交作或吐涎不食戰
慄泄瀉手足逆冷皆脾胃虛弱但補中益氣其
諸症悉愈○一婦人瘧久不愈發熱口乾倦甚
此脾胃虛熱用七味白朮散加麥門五味作大
劑煎與恣飲再發稍可乃用補中益氣湯加茯
苓半夏十餘劑而愈

一婦人久瘧寒熱服清脾飲之類胸膈飽脹飲

食減少

用補中益氣湯加茯苓
半夏炮姜各一錢而痊

咳嗽

咳謂有聲肺氣傷而不清嗽謂有痰脾濕動而生
痰嗽咳者因傷肺氣而動脾濕也病本雖分六氣
五臟之殊而其要皆主於肺蓋肺主氣而聲出也
治法須分新久虛實新病風寒則散之火熱則清
之濕熱則瀉之久病便屬虛屬鬱氣虛則補氣血
虛則補血兼鬱則開鬱滋之潤之飲之則治虛之

法也

主方

橘紅

七分

五味子

桔梗

甘草

炙各五分

杏仁

去皮尖

白茯苓

各一錢

春多上升之氣宜潤肺抑肝加川芎芍藥半夏各一

錢

麥門冬

炒

知母

各五分

春若傷風欬嗽鼻流清涕宜辛涼解散加防風薄

荷黃苓

炒

麥門冬

各一錢

愚按前症若因風寒所傷咳嗽聲重頭痛用金

沸草散咳嗽聲重身熱頭痛用局方消風散蓋
肺主皮毛肺氣虛則腠理不密風邪易入治法
當解表兼實肺氣肺有火則腠理不閉風邪外
乘治宜解表兼清肺火邪退卽止若數行解散
邪則重亡津液邪蘊而爲肺疽肺痿矣故凡肺受
邪不能輸化而小便短少皮膚漸腫咳嗽日增
者宜用六君子湯以補脾肺六味丸以滋腎水
一儒者素勤苦惡風寒鼻流清涕寒慄噫嘔服
祛風之藥肢體麻木倦怠痰涎自出殊類中風

余以爲風劑耗散元氣陰火乘其土位也遂以
補中益氣湯加麥門五味治之而安○一儒者
每至春咳嗽用參蘇飲之類乃愈後復發仍用
前藥反喉瘖危天洪數而無力余以爲腎經陰
火刑剋肺金以六味丸料加麥門五味炒山梔
及補中益氣湯而愈

夏多火熱炎上最重宜清金降火加桑白皮知母

黃芩

炒

麥門冬石膏

各一錢

愚按王太僕云壯水之主以制陽光前症若喘

急而嗽面赤潮熱其脉洪大者用黃連解毒湯
熱躁而咳用梔子仁湯欬唾有血用麥門冬湯
俱兼以六味丸夏月尤當用此壯腎水以保肺
金○周土舍每至夏患咳嗽服降火化痰之劑
咳嗽益甚脾肺腎脉皆浮而洪按之微細余曰
此脾土虛不能生肺金肺金不能生腎水而虛
火上炎也朝用補中益氣湯夕用六味地黃丸
而痊後至夏遂不再發○一男子夏月唾痰或
嗽用清胃火藥不應余以爲火乘肺金用麥門

冬湯而愈後因勞復嗽用補中益氣湯加桔梗
山梔片芩麥門五味而愈但口乾體倦小便赤
澹日用生脉散而痊愈

秋多濕熱傷肺宜清熱瀉濕加蒼朮桑白皮

各一錢

防風黃芩山梔

炒各五分

愚按前症若咳而身熱自汗口乾便赤脉虛而
洪者用白虎湯身熱而煩氣高而短心下痞滿
四肢困倦精神短少者杏薤飲若病邪既去宜
用補中益氣加乾山藥五味子以養元氣柴胡

升麻各二分以升生氣

冬多風寒外感宜解表行痰加麻黃桂枝半夏乾

薑防風

各一錢

肺金素有熱者再加酒炒黃芩知母

各五分

若發熱頭痛鼻塞身重再加藁本川芎前胡

柴胡

各一錢

愚按果係前症若風寒外感形氣病氣俱實者

宜用麻黃之類所謂從表而入自表而出若形

氣病氣俱虛者宜補其血氣而佐以解表之藥

若專於解表則肺氣益虛腠理益疎外邪乘虛

易入而其病愈難治矣若病日久或誤服表散
之劑以致元氣虛而邪氣實者急宜補脾土爲
王則肺金有所養而諸病自愈若人老弱或勞
傷元氣而患前症誤用麻黃枳殼紫蘇之類而
汗出亡陽者多患肺癰肺痿治失其宜多致不
起○一男子神勞冬月患咳嗽服解散之劑自
以爲便余曰此因肺氣虛弱腠理不密而外邪
所感也當急補其母是治本也始服六君子湯
內去參朮反加紫蘇枳殼之類以致元氣益虛

生肺癰而歿○太守錢東圩先患肩疽屬足三
陰虛火不歸源用壯水之主以制陽光而愈余
曰瘡疾雖愈當屏去侍女恐相火一動其精暗
流金水復竭必致變症后果喘嗽痰出如湧面
目赤色小便淋瀝又誤認爲外感風寒用麻黃
湯表散汗出不止迎余視之其脉已脫惟太冲
未絕余曰此脾虛不能攝涎腎虛不能生水肺
虛不能攝氣水泛爲痰虛寒之症也辭爲難治
勉以益火之源以消陰翳而愈繼又勞傷神思

外邪乘之仍汗出亡陽以致不起

若有痰加半夏枳殼風痰再加南星

薑汁炒

濕痰脾

困少食加白朮蒼朮有痰而口燥烟乾勿用半夏

南星宜加知母

蜜水拌炒

貝母瓜蒌仁黃芩

炒

愚按前症若因脾氣虛而為濕痰者宜用補中

益氣湯若因腎經虛熱而口燥咽乾者宜用六

味丸

若夏用熱痰或素熱有痰加黃芩黃連知母石膏

愚按前症若心火乘肺輕則用麥門冬湯重則

用人參平肺散若上焦實熱用涼膈散虛熱用
六君子湯中焦實熱用竹葉石膏湯虛熱用竹
葉黃芪湯下焦虛熱用六味丸○一武職因飲
食起居失宜咳嗽吐痰用化痰止咳之藥時仲
夏左尺洪數而無力胸滿面赤唾痰腥臭自汗
余曰腎虛水泛爲痰而反重亡津液得非肺癰
乎不信仍服前藥翌日吐膿脉數右寸爲甚用
桔梗湯一劑數脉與膿頃減又一劑將愈佐以
六味丸而痊

上半日咳者胃中有火加貝母石膏黃連五更咳者同上

愚按前症若胃中熱甚爲患者宜用本方泄之若胃中微熱爲患者當用竹葉石膏湯清之若胃中虛熱所致者須用補中益氣湯補之俱少佐以治痰之劑其五更咳嗽者當作脾虛宿食爲痰治之○一儒者咳嗽用二陳苓連枳殼胸滿氣喘侵晨吐痰加蘇子杏仁口出痰涎口乾作渴余曰清晨吐痰脾虛不能消化飲食也胸

清氣喘脾虛不能生肺金也涎沫自出脾虛不能收攝也口乾作渴脾虛不能生津液也用六君子加炮姜肉果溫補脾胃更用八味丸以補土母而安

若咳嗽久肺虛滋氣補血加人參黃芪阿膠當歸生薑天門冬欬冬花馬兜鈴芍藥酒炒之類肺熱喘咳去人參用沙參此兼補血氣也

愚按肺屬金生於脾土凡肺金受邪由脾土虛弱不能生肺乃所生受病治者審之

若昏咳者火浮於肺不可正用寒涼藥宜加五味子五倍子訶子皮歛而降之

愚按前症屬脾肺氣虛以致腎經陽虛陰弱而虛火上炎或房勞太過虧損真陰爲患法當補脾肺生腎水不可專主於肺也

若午後嗽者屬陰虛卽勞嗽也宜補陰降火加川芎當歸芍藥熟地黃栢知母竹瀝薑汁天門冬瓜萋仁貝母此專補陰血也

愚按前症屬腎氣虧損火炎水涸或津液湧而

爲痰者乃真臟爲患也須用六味地黃丸壯腎
水滋化源爲主以補中益氣湯養脾土生肺腎
爲佐設用清氣化痰則誤矣○司廳陳國華素
陰虛患咳嗽自謂知醫用發表化痰之劑不應
用清熱化痰等藥愈甚余以爲脾肺虛不信用
牛黃清心丸反加胸腹作脹飲食少思遂朝用
六君桔梗升麻麥門五味補脾土以生肺金夕
用八味丸補命門火以生脾土諸症漸愈○中
翰鮑羲伏患陰虛咳嗽服清氣化痰丸及二陳

芩連之類痰益甚用四物黃栢知母之類腹脹
咽啞右關脉浮弦左尺脉洪大余朝用補中益
氣湯加山茱麥門五味夕用六味地黃丸加五
味子三月餘喜其慎疾得愈

若火鬱嗽爲痰鬱火邪在中宜開鬱消痰用訶子

皮香附

童便浸

瓜蒌仁半夏麩海石青黛黃芩爲末

蜜調爲丸噙化仍服前補陰降火藥失治則成勞

愚按前症若因肺胃蘊熱痰氣不利宜用前藥

若因脾肺不清氣鬱痰滯用二陳加山梔枳殼

桔梗若因鬱結傷脾氣血虛損用濟生歸脾加
山梔桔梗若因怒動肝火脾土受剋用四君子
加山梔柴胡若勞役失宜傷損元氣用補中益
氣加山梔桔梗○一婦人不得於始患咳胸膈
不利飲食無味此脾肺俱傷痰鬱於中先用歸
脾湯加山梔撫芎貝母桔梗諸症漸愈○一婦
人咳嗽脇痛發熱日晡益甚用加味逍遙散加
熟地治之而愈後因勞役多怒前症仍作又少
陽寒熱往來或咳嗽遺尿皆屬肝虛火旺陰挺

痿痺用前散及地黃丸而痊

若痰積食積作咳嗽者用香附瓜萸仁貝母海石

青黛半夏麴軟石膏山查枳實黃連

姜炒爲末蜜調

噉化

愚按前症若因飲食停滯胃口濕熱所化者宜

用本方若因脾胃氣虛而痰積滯用六君子加

枳殼木香若因脾胃氣虛而食積滯用六君子

加神麴麥芽夫早間吐痰咳嗽屬食積喘促咳

嗽屬肺氣虛火旺大抵當助胃壯氣爲主不可

專攻其痰

若勞嗽見血加阿膠當歸芍藥天門冬知母貝母
桑白皮亦於前肺虛陰虛二條擇用大抵咳嗽見
血多是肺受熱邪氣得熱而變爲火火盛而陰血
不寧從火上升故治宜瀉火滋陰忌用人參等甘
溫之藥然亦有氣虛而咳血者則宜用人參黃芪
款冬花等藥但此等症不多耳

愚按前症亦有勞傷元氣內火妄動而傷肺者
亦有勞傷腎水陰火上炎而傷肺者有因過服

天門生地寒藥損傷脾胃不能生肺氣而不愈
者有因誤用黃栢知母之類損傷陽氣不能生
陰精而不愈者凡此皆脾肺虧損而腎水不足
以致虛火上炎真臟爲患也須用補中益氣湯
補脾土而生肺金用六味地黃丸滋腎水而生
陰精否則不救○一武職素不慎起居吐痰自
汗咳嗽發熱服二陳芩連山梔之類前症不減
飲食少思用四物二陳芩連之類前症愈甚反
添胸膈不利食少晡熱加桑皮杏仁紫蘇之類

胸膈膨脹小便短少用四苓枳殼之類小便不通飲食不進余視之六脉洪數肺腎二部尤甚余曰脾土既不能生肺金而心火乘之必變肺癰之症也不信仍服前藥後吐痰吐膿復求治余曰胸膈痞滿脾土敗也已而果歿

因咳而有痰者咳爲重主治在肺因痰而致咳者痰爲重主治在脾但是食積成痰痰氣上升以致咳嗽只治其痰消其積而咳自止不必用肺藥以治咳也

愚按前論治法最是仍分六淫七情及五臟相
勝脾胃虛實以治之否則恐成肺癰之症○一
男子脾胃不和服香燥行氣之劑飲食少思兩
脇脹悶服行氣破血之藥致飲食不入右脇脹
痛喜手按之余曰乃肝木尅脾土而脾土不能
生肺金也用滋化源之藥四劑諸症頓退余又
曰火令在適當再補脾土以養肺金不信後復
作吐膿而歿

痰飲

痰屬濕熱乃津液所化因風寒濕熱之感或七情
飲食所傷以致氣逆液濁變爲痰飲或吐咯上出
或凝滯胸膈或留聚腸胃或客於經絡四肢隨氣
降降遍身上下無處不到其爲病也爲喘爲咳爲
惡心嘔吐爲痞隔壅塞關格異痞爲泄爲眩暈爲
糟雜怔忡驚悸爲顛狂爲寒熱爲痛腫或胸間輓
轉有聲或背心一點常如冰冷或四肢麻痺不仁
皆痰所致百病中多有兼痰者世所不知也痰有
新久輕重之殊新而輕者形色清白氣味亦淡久

而重者黃濁稠結咳之難出漸成惡味酸辣腥臊
鹹苦甚至帶血而出治法痰生於脾胃宜實脾燥
濕又隨氣而升宜順氣爲先分導次之又氣升屬
火順氣在於降火熱痰則清之濕痰則燥之風痰
則散之鬱痰則開之頑痰則軟之食積則消之在
上者則吐之在中者下之又中氣虛者宜固中氣
以運痰若攻之太重則胃氣虛而痰愈甚矣

主方一陳湯

橘紅

半夏

湯炮

白茯苓

甘草

炙

生薑

右方總治一身之痰如要下行加引下藥上行
加引上藥

若濕痰多軟如身體倦怠之類加蒼白朮寒痰痞
塞胸中倍加半夏甚者加麻黃細辛烏頭之類

愚按痰者脾胃之津液或爲飲食所傷或因七
情六淫所擾故氣壅痰聚諺云肥人多痰而在
瘦人亦有之何也蓋脾統血行氣之經氣血俱
盛何痰之有皆由過思與飲食所傷損其經絡

脾血既虛胃氣獨盛脾爲巳土胃爲戊土戊癸
化火是以濕因氣化故多痰也遊行周身無所
不至痰氣既盛客必勝主或奪於脾之大絡之
氣則倏然仆地者此痰厥也升於肺者則喘急
咳嗽迷於心則怔忡恍惚走於肝則眩暈不仁
脇肋脹痛關於腎不哈而多痰唾留於胃脘則
嘔瀉而作寒熱注於胸則咽膈不利眉稜骨痛
入於腸則漉漉有聲散則有聲聚則不利竊謂
若脾氣虛弱不能消濕宜用補中益氣湯加茯

苓半夏若因脾氣虛弱濕熱所致宜用東垣清
燥湯若因胃氣虛弱寒痰凝滯宜用人參理中
湯若因脾胃虛寒而痰凝滯者宜用理中化痰
丸若因脾虛而痰滯氣逆宜用六君子加木香
若因脾胃虛弱而肝木乘侮宜用六君子加柴
胡頭痛宜用半夏白朮天麻湯若因脾腎虛弱
寒邪所乘以致頭痛宜用附子細辛湯
若風痰加南星枳殼白附子天麻殭蠶猪牙皂角
之類氣虛者更加竹瀝氣實加荆瀝俱用薑汁

愚按脉決云熱則生風故云風自火出若風邪
氣滯痰蘊於胸中者宜用之若因肺經風熱而
生痰者宜用金沸草散若因風火相搏肝經風
熱熾盛而生痰者宜用牛黃抱龍丸或牛黃清
心丸若因肝經血燥而生痰者宜用六味地黃
丸若因熱盛制金不能平木而生痰者宜用柴
胡梔子散若因中氣虛弱不能運化而生痰者
宜用六君柴胡鈞藤

若熱痰加黃芩黃連痰因火盛逆上降火爲先加

白朮黃芩軟石膏黃連之類眩暈餽雜者火動其
痰也亦加山梔黃芩黃連

愚按前方若肺胃實火者宜用之若風寒鬱熱
宜用參蘇飲加山梔片芩若中氣虛熱宜用補
中益氣加半夏桔梗若腎虛陰火炎上宜用六
味丸若腎氣虛寒痰止湧用八味丸

若血虛有痰者加天門冬知母瓜蒌仁香附米竹
瀝姜汁帶血者再加黃芩白芍藥桑白皮血滯不
行中焦有飲者取竹瀝和生薑菹菜自然汁服三

五盞必胸中煩躁不寧後自愈

愚按前方苦寒甘寒辛辣降火化痰行氣破血之劑須審有是病而乃服是藥可也病去六七卽當止之過劑則反傷中氣而病益甚大凡內因之症原屬脾胃虛弱當審所致之由而調養之若稍重其劑復傷胃氣虛症蜂起

若氣虛有痰者加人參白朮脾虛者宜補中氣以運痰降下加白朮白芍藥神麩麥芽兼用升麻提起內傷挾痰加人參黃芪白朮之類薑汁傳送或

加竹瀝尤効

愚按前症若脾肺氣虛不能運化而有痰者宜用六君子加木香若肺氣虛弱不能清化而有痰者宜用六君子加桔梗若因脾經氣滯而痰中有血者宜用加味歸脾湯若因肝經血熱而痰中有血者宜用加味逍遙散若因肝腎陰虛而痰中有血者宜用六味地黃丸若因過服寒涼之劑而吐痰有血者必用四君子湯之類以主之

若食積痰加神麩麥芽山查黃連炒枳實以消之
甚者必用攻之宜丸藥若兼血虛者用補藥送下
中焦有痰者食積也胃氣亦賴所養若攻之盡則
虛矣

愚按前症若元氣素食偶因飲食過多而致者
宜用主方消導宿滯蓋食痰多因脾虛食難消
化而作痰也血虛者多因脾氣衰弱不能生血
也皆當調補脾胃之氣則無食積之患而血自
生矣故東垣云脾胃之氣實用黃連枳實瀉之

虛用白朮陳皮補之其方內用神麩麥芽說見
上卷○府庠沈文姬母食濕麵吞酸嘔吐絕食
服苓連等劑加寒熱口乾流涎又食東瓜一星
而嘔吐愈甚余謂此脾氣虛寒也急用鹽艾附
子炒熱熨臍腹又以其子口氣接其母氣神氣
少甦以參朮附子陳皮爲末丸如粟米大津嚥
五七粒次日加至十餘粒漸服煎劑一二匙乃
思粥飲又以參朮等藥五十餘劑而愈

詳見內科
諸要

若喉中有物咯不出嚥不下此痰結也用藥化之

加鹹藥軟堅之類宜瓜蒌仁杏仁海石桔梗連翹
香附少佐朴硝薑汁煉蜜和丸噙服之脉澹者卒
難開必費調理氣實痰熱結者吐難得出或成塊
吐咯不出氣滯者難治

愚按此方治形症充實之法也前症有因脾經
鬱結而傷陰血者有因腎水虧損而陰火上炎
者有因脾肺火鬱而生痰者治法若因七情鬱
結痰涎滯於喉間者先用局方四七湯調和滯
氣後用歸脾湯調補脾血脾火傷血用加味歸

脾湯腎水虧損用六味地黃丸肺經鬱火用知
母茯苓湯若婦人患此而兼帶下皆由鬱結傷
損肝脾當佐以四七湯送青州白丸子此等症
候屬脾胃氣虛爲本而氣滯痰結爲末也古方
用十棗湯控涎丹神祐丸滾痰丸異香枳實利
膈滌痰透羅破飲降氣化痰等湯蘇合香丸之
類皆形病充實之藥也西北人用之多有效驗
其屬虛弱者皆致肚腹脹滿而歿○大叅李比
泉時吐痰涎內熱作渴肢體倦怠勞而足熱余

曰此腎水泛而爲痰法當補腎不信另服化痰
湯滾痰丸吐瀉不食頭暈眼閉余用六君子湯
數劑胃氣漸復用六味丸諸症漸愈○一儒者
咳嗽痰盛胸腹不利飲食少思肢體倦怠脉浮
大按之微弱服二陳枳殼等藥愈甚余曰脾肺
腎虛也用補中益氣湯六味地黃丸而愈

若痰在腸胃間可下而愈枳實其遂巴豆大黃芒
硝之類痰在脾裏膜外非薑汁竹瀝不能及在四
肢非竹瀝不開在經絡中亦用竹瀝必佐以姜其

汁膈間有痰或癲狂或健忘或風痰俱用竹瀝與
荆瀝同功氣虛少食用竹瀝氣實能食用荆瀝痰
在脇下非白芥子不能達

愚按前症多因飲食起居七情失宜耗損元氣
內火動而爲患者當求其屬而治其本可也前
法乃慄悍之劑非灼見形氣俱充實者決不可
用必先察其病形脉症則知所挾之邪隨其表
裏上下虛實以治之若夫挾虛挾寒之症不可
不論也○一儒者脾氣虛弱嘔吐痰涎因怒胸

腹膨脹飲食少思左關脉弦長按之無力右關
脉弦長按之微弱此水剋土也用六君子加柴
胡山梔木香治之而愈○一婦人脾胃虛弱飲
食素少忽痰壅氣喘頭搖目劓手揚足擲難以
候脉視其面色黃中兼青此肝木乘脾胃也用
六君子加柴胡升麻治之而甦更以補中益氣
加半夏調理而痊

若老痰用海石半夏瓜蒌仁香附米連翹之類五
倍子佐他藥大治頑痰宜作丸服

愚按前症若脾氣壅滯痰客中焦者宜先用此方以治其痰後用六君子以調補脾氣其痰自消若始末悉治其痰則脾氣益虛津液不行而痰益盛矣○一男子吐痰胸膈不利飲食少思服海石瓜萸之類不應余曰此脾氣虛弱不能消導而爲痰當健脾爲主彼不信又服驅逐之劑其痰如湧四肢浮腫小腹腫脹小便澀滯余曰此復損脾腎所致也先用金匱加減腎氣丸補中益氣湯治之諸症漸減又用八味丸兼前

湯而愈○一男子素吐痰遇怒其痰益甚胸膈痞滿此肝木制脾土也用六君加木香治之而痊○一婦人素鬱結胸膈不寬吐痰如膠用加味歸脾湯乃嗟○一婦人吐痰頭暈帶下青黃用四七湯送白丸子小柴胡加白朮茯苓治之而安

人身上中下有塊是痰也問其平日好食何物吐

下後方用藥

若頭面頸頰身中有結核不痛不紅不作膿者皆

痰注也宜隨處用藥消之

愚按前症若脾肺氣逆而痰滯於肉裏或散或作肉色不變亦不作痛按之不硬此爲痰核宜推其因而治其本則痰自消若因鬱怒虧損肝脾或因暴怒觸動肝胆經火以致血病結核或筋攣於項側耳前後或胸脇腫痛或發寒熱此爲瘰癧宜用柴胡清肝散加釣藤鈎山梔以養血氣清肝火若肉色不變脯熱內熱屬肝經血虛火旺宜用逍遙散加龍胆草以養肝血瀉肝

火或結於肢節或累累如貫珠其色不變亦爲
肝火血燥而筋攣宜用柴芍參苓散加釣藤以
養血氣佐以六味丸以生腎水○儒者楊澤之
性躁好色缺盆結一核此肝火血燥筋攣法當
滋腎水生肝血不信乃內服降火化痰外敷南
星商陸轉大如碗余用補中益氣及六味地黃
間以蘆薈丸年餘元氣漸復而腫消○一婦人
經事不調肝膽經分結核如榛如豆不計其數
肉色不變大按方痛或投化痰消毒之藥不按

自痛發熱作渴日晡益甚余謂屬肝火之症用
養血解鬱清肝之藥百餘劑諸症已退惟項核
未消更以當歸龍薈丸數服及四物柴胡山梔
而愈○一婦人耳前後結核耳內微腫寒熱口
苦用小柴胡山梔桔梗川芎四劑而愈後因恚
怒耳前後頭兩角俱痛發熱憎寒以小柴胡山

梔川芎桔梗羌活二劑而愈

詳見外科樞要

滾痰丸攻瀉腸胃痰積及小兒食積痰急驚風痰
甚者最爲要藥常宜合備但須量人虛實而用之

愚按滾痰丸奪旗斬關回生起死之劑必痰滯
胸膈秘結不利形氣病氣俱實者乃可用之或
脾氣不能攝涎而上泛或腎氣不能攝水而上
溢苟誤認爲實痰而用之禍在反掌江南人尤
慎之○一婦人元氣素弱痰氣時作或咽間不
利或胸痞等症余以爲鬱結傷脾用加味歸脾
湯治之而愈後遇恚怒前症仍作惑於衆言以
爲痰飲妄用祛痰之劑吐瀉數次變諸異症日
禁不醒余以爲脾胃復傷日用六君子一劑米

飲濃煎常服匙許至四日漸進粥食乃服前藥
間以歸脾湯喜其善調養兩月餘諸症悉愈

擬治嶺南諸病

春秋時月人感山嵐瘴霧之氣發寒熱胸膈飽悶
不思飲食此毒氣從鼻口入內也治當清上焦
內毒行氣降痰不宜發汗

主方

黃連

姜炒

黃芩

木香

厚朴

姜製

枳實

麩炒

半夏

湯洗

桔梗

柴胡

川芎

木通

各一錢

生甘草

七分

升麻

蒼朮

泔浸鹽水炒
各一錢五分

右薑水煎食前熱服

愚按嶺南炎方瀕海地脾土薄故陽氣常泄陰

氣常盛四時放花冬無霜雪一歲之間暑熱過

半窮臘久晴或至搖扇人居其間氣多上壅膚

多汗出腠理不密蓋陽不反本而然也陽燠既

泄則使人本氣不堅陽不下降常浮而上氣浮

而不堅則玄府開疎汗液易泄故內寒外熱上

熱下寒之症由生也治當固陽氣實腠理爲主
若多用表散之藥則陽氣愈虛風邪益盛鮮有
不悞者矣苟係外邪爲患則當解散之外邪旣
解而病仍作肺氣傷也用補中益氣湯若頭目
不清胃氣不能上升也加蔓荊子若飲食少思
胃氣虛也用四君子湯若食而難化脾氣虛也
用六君子加芍藥當歸若胃寒冷飲食或作吞
酸脾氣虛寒也前藥更加炮姜不應再加吳茱
萸四分黃連二分餘各當推而治之嶺南瘴癘

爲患諸症詳見衛生篇凡宦遊此地者當備此
書而嘗覽之

若寒溫失節汗身脫衣巾感冒風寒之氣氣閉發
熱頭疼此則傷寒類也但嶺南氣溫易出汗故多
類瘧重則寒熱不退輕則爲瘧南方氣升故嶺南
人得此病者卒皆胸滿痰涎壅塞飲食不進與北
方傷寒只傷表而裡自和者不同治當解表清熱
降氣行痰此方用於寒涼時月及雖在溫暖時而
感冒風寒者

羌活

蒼朮洗

柴胡

黃芩

橘紅

半夏湯洗

枳實

甘草炙

川芎

各一錢

右薑水煎食前服查隨服取汗出止服

愚按前症若內停飲食外感風寒用藿香正氣

散若脾氣虛弱而寒熱作嘔用金不換散蓋嶺

南之地濕熱薰蒸腠理不閉津液妄泄陽氣內

虛法當調補肺氣為主蓋肺主氣而司腠理肺

氣虛則腠理不密故津液妄泄多患前症若外

木邪既去當補脾土以生肺金

瘴瘧時瘧寒熱往來

蒼朮

泔浸

黃芩

酒炒

乾葛

陳皮

半夏

湯洗

川芎

各一錢

甘草

七分

柴胡

知母

各一錢五分炒

右薑三片烏梅三箇水煎侵晨午前服

愚按前症若因外邪未解而寒熱往來者宜用

原方解散之若因脾氣素弱或服前藥外邪既

去而寒熱不止或欲嘔少食者脾氣虧損也宜

醫方考

用補中益氣湯加半夏乾葛茯苓調補之若午
前寒熱屬氣虛用四君子加當歸升麻若午後
寒熱屬血虛用八珍湯加柴胡升麻大凡病久
氣虛而血弱者必發熱須用四君之類調補脾
胃脾胃一健氣血自生若悞認爲血虛而用四
物沉陰之劑徑生其血則脾土復傷諸臟皆病
虛症蜂起反爲難治甚致不救

瘧久者加人參一錢當歸一錢汗多者去蒼朮換白

朮加白芍藥酒炒一錢五分

錢五分

八十一

愚按瘧久不愈屬中氣虛不能滋養諸臟但調
補脾胃諸病自退其汗自出者乃陽氣虛而不
能衛固於腠理也用四君加歸芪陳皮未應加
薑桂手足逆冷急加附子盜汗者陰虛而腠理
不密也宜用八珍加肉桂五味子煩熱作渴暫
用當歸六黃湯其中三黃俱妙黑倍加參芪汗
既止仍用八珍散之類若腎氣素虛發熱作渴
宜六味丸手足逆冷或痰氣上攻宜用八味丸
若邪氣既散而寒熱仍作此真氣虛也卽用補

中益氣湯若氣血虛而寒熱者用八珍湯若治
失其宜則元氣虧損變症百出不但久瘧而已
矣

瘧後變成利疾宜從虛治故用補脾胃藥

黃連炒 木香 宿砂 黃芩炒

橘皮 白朮各一錢 甘草炙五分 白芍藥炒二錢

當歸酒洗一錢

右薑水煎食前服

愚按前症乃病氣有餘血氣不足而變症也宜

用原方以清解脾胃邪熱若病氣形氣俱不足而不能愈宜補中益氣湯滋養諸臟自愈

若溫暑之月民病天行瘟疫熱病治宜清熱解毒之劑兼治內外愈後隨當調理脾胃以壯元氣

枯黃芩

升麻

乾葛

知母

酒炒各一錢

人參

白芍藥

石膏

各一錢半

黃連

酒炒四分

甘草

七分

羌活

二錢

生地黃

酒洗五分

右薑水煎食前熱服查繼服

愚按前症若邪在足陽明表裏不解者宜用本

方和解之若踈通過度胃氣虧損而發熱煩渴者用竹葉黃芪湯以生津液若悞汗亡陽而發熱煩口者用升陽益胃湯若悞下亡陰而發熱煩躁者用理中湯

若胸膈痞悶痰涎壅塞者加枳實半夏

各一錢 生姜

汁四五匙脾胃不實加白朮

一錢半

難出此等之痰皆因火邪炎上薰於上焦肺氣被鬱故其津液之隨氣而升者爲火薰蒸凝濁鬱結而成歲月積久根深帶固故名老名鬱而其原則

火邪也病在上焦心肺之分咽喉之間非中焦脾胃濕痰冷痰痰飲痰涎之比故湯藥難治亦非半夏茯苓蒼朮枳殼南星等藥所能治也惟在開其鬱降其火清潤肺金而消凝結之痰緩以治之庶可效耳今製一方于後

天門冬去心黃芩酒炒

海粉

橘紅各一兩

青黛另研三錢桔梗

連翹各五錢芒硝另研三錢

瓜蒌仁取肉另研一兩

香附杵碎淡鹽水浸炒五錢

右為細末煉蜜入姜汁少許和藥杵極勻丸小

龍眼大噲化一九或嚼爛清湯細嚥之或丸加
黍米大淡姜湯送下五六十九

愚按前方味屬甘苦鹹寒之劑雖能軟堅開鬱
化痰降火而不無損胃之禍乎若脾土太過氣
滯鬱熱而生痰者用之得宜若脾土不及氣痞
虛熱而生痰者用之必致中滿吞酸肚腹腫脹
小便不利而歿治者審之○一男來者接踵死
者塞途良可哀憫殊不知此方因嶺南風土而
作且浙之與廣相去萬里殊域異方天時人事

大不相侔豈有槩一治療而無悞者哉

明醫雜考

終